



14 ოქტომბერი, 2022



პარასკევი, №1 (2240)

## თსუ-ის რექტორმა გიორგი შარვაშიძემ ახალბიურ საჭოს გადადგომის თაობაზე მიმართა

„ვრჩები უნივერსიტეტის პროფესორად და დიდ გულ-შემატკივრად“, — თბილისის სახელმწიფო უნივერსიტეტის რექტორმა აკადემიურ საბჭოს გადადგომის თაობაზე 7 ოქტომბერს მიმართა. გიორგი შარვაშიძემ თავისი გადაწყვეტილება საჯაროდ სოციალური ქსელის საშუალებით გაავრცელა.

„ჩემთვის დიდი პატივია ბრწყინვალეების ორდენის მიღება, რომელიც საქართველოს მთავრობის წარდგინებით საქართველოს პრეზიდენტმა მომანიჭა. მიხარია და ვამაყობ, რადგან ეს არ არის პერსონალური ჯილდო, ეს ჯილდო ეკუთვნის ჩვენს პროფესორებს, ჩვენს სტუდენტებს, ჩვენს მეცნიერებს.

თბილისის სახელმწიფო უნივერსიტეტში ბოლო 7 წლის განმავლობაში ბევრი რამ გაკეთდა: ჩვენ შევქმელით და დღეს თსუ-ს აქვს ევროპის უნივერსიტეტთა ასოციაციის (AUA) ინსტიტუციური შეფასება; მნიშვნელოვნად გაიზარდა სტუდენტების რაოდენობა და შედეგად თსუ რეგიონში კვლავ ყველაზე დიდი უნივერსიტეტია. 50%-ით გაეზარდა უნივერსიტეტის დაფინანსებაც მაშინ, როცა არ შეცვლილა უნივერსიტეტების დაფინანსების წესი; პირველად ჩვენს რეგიონში სწორედ, საქართველოში და კონკრეტულად თსუ-ში გაიხსნა ევროპის აკადემიის (AE) და EPLO-ს რეგიონული ცენტრები; საქართველო გახდა მესამე ქვეყანა ევროპაში და 24-ე მსოფლიოში, რომელსაც ამერიკის ქიმიკოსთა საზოგადოების სრული წარმომადგენლობა აქვს; თბილისის სახელმწიფო უნივერსიტეტი საუკეთესო უნივერსიტეტების 1.5 %-ში შედის და არაერთ პროგრამას აქვს გავლილი საერთაშორისო აკრედიტაცია (ABET, FIBAA); მზარდია უცხოენოვანი, ერთობლივი და ორმაგი ხარისხის მქონე პროგრამების რაოდენობა; შესაძლებლობის ფარგლებში გაიზარდა აკადემიური და ადმინისტრაციული პერსონალის შრომის ანაზღაურება; შთამბეჭდავია ინფრასტრუქტურული პროექტების ნუსხა — დანაშაული მეორე კორპუსის აღდგენით, დამთავრებული უამრავი სხვა სამეცნიერო თუ სასწავლო ინფრასტრუქტურის რეაბილიტაციით. მე ვარ ძალიან ამაყი, რომ ეს ყველაფერი ჩვენ ერთად შევქმელით. კიდევ ერთხელ, დიდი მადლობა უნივერსიტეტის პროფესორებს, ადმინისტრაციას, სტუდენტებს და ჩვენი უნივერსიტეტის ყველა გულშემატკივარს. ჩვენ სწორედ ერთად მოვახერხებთ ამ წარმატებული ნაბიჯების გადადგმა, თუმცა კიდევ ბევრი რამ არის გასაკეთებელი და გასაუმჯობესებელი. დღეს მივმართე აკადემიურ საბჭოს რექტორის თანამდებობიდან გადადგომის თაობაზე.



ბობიდან გადადგომის თაობაზე. გადაწყვეტილება დიდი ხნით ადრე მივიღე, რის შესახებაც საუნივერსიტეტო საზოგადოება ინფორმირებული იყო. ჩემი გადაწყვეტილების შესახებ საბჭოს ვაცნობე მას შემდეგ, რაც ცნობილი გახდა ევროპის უნივერსიტეტების ასოციაციის მიერ ჩვენი უნივერსიტეტის ინსტიტუციური შეფასების შედეგი და სხვა მნიშვნელოვანი სიახლეები.

მე ღრმად მნამს, რომ ჩვენი უნივერსიტეტი განვითარების იმ ევროპულ გზაზე სვლას, რა გზასაც დღეს ადგას, კვლავ ღირსეულად გააგრძელებს.

დაბოლოს, მიხარია, რომ ვარ 300 000 კურსდამთავრებულს შორის ერთ-ერთი და რომ მრავალი წელი ვხელმძღვანელობდი რეგიონში პირველ უნივერსიტეტს. ერთხელ უნივერსიტეტელი მუდამ უნივერსიტეტელია. მიუხედავად იმისა, რომ ჩემი მომავალი საქმიანობა უკავშირდება საერთაშორისო ურთიერთობებს, ვრჩები უნივერსიტეტის პროფესორად და დიდ გულშემატკივრად“, — ნერს რექტორი გიორგი შარვაშიძე სოციალურ ქსელში.

## თსუ რექტორის მოვალეობის შემსრულებელს 20 ოქტომბერს აირჩიეს

თბილისის სახელმწიფო უნივერსიტეტის რექტორის მოვალეობის შემსრულებლის არჩევის დღედ 20 ოქტომბერი გამოცხადდა. თსუ-ის აკადემიური საბჭოს დადგენილების თანახმად, კანდიდატებს განაცხადების წარდგენა 10 ოქტომბრიდან 13 ოქტომბრის ჩათვლით შეეძლებათ. აკადემიური საბჭო საკონკურსო განაცხადებებს 19 ოქტომბრამდე განიხილავს. რექტორის მოვალეობის შემსრულებელი აირჩევა რექტორის არჩევის აქტის ძალაში შესვლის დღემდე, მაგრამ არაუმეტეს რექტორის მოვალეობის შემსრულებლის არჩევიდან 6 თვისა.

ივანე ჯავახიშვილის სახელობის თბილისის სახელმწიფო უნივერსიტეტის რექტორის მოვალეობის შემსრულებლის თანამდებობის დასაკავებლად არჩევნების გამოცხადების, კანდიდატთა რეგისტრაციის დაწყებისა და კანდიდატის შერჩევის შესახებ განაცხადების ტექსტის დამტკიცების თაობაზე თსუ-ის აკადემიურმა საბჭომ დადგენილება 10 ოქტომბერს მიიღო.

თბილისის სახელმწიფო უნივერსიტეტის მოქმედ რექტორს უფლებამოსილება 15 ოქტომბრიდან შეუწყდება. გიორგი შარვაშიძემ თსუ-ის აკადემიურ საბჭოს გადადგომის თხოვნით 7 ოქტომბერს მიმართა.



მე ღრმად მნამს, რომ ჩვენი უნივერსიტეტი განვითარების იმ ევროპულ გზაზე სვლას, რა გზასაც დღეს ადგას, კვლავ ღირსეულად გააგრძელებს.

### ნოემბერი

■ სტუდენტთა ჯგუფებთან პრობლემებზე კონსულტაციები და ერთობლივი მუშაობა გრძელდება 83.2

■ 2023 წლისთვის თსუ-ის სტუდენტებისთვის საუკეთესო ელექტრონული პლატფორმა ამუშავდება 83.2



▶ საუნივერსიტეტო ქრონიკა და ანონსი 83.3-4

▶ რა სიახლეებით შეხვდნენ ფაკულტეტები ახალ სასწავლო წელს? 83.5-6/14

▶ ივანე ჯავახიშვილის თხზულებათა სრული აკადემიური კრებულის მოსამზადებლად თსუ-ში მუშაობა დაიწყო 83.13




■ საქართველოს პრეზიდენტმა თსუ-ის რექტორი გიორგი შარვაშიძე ბრწყინვალეების ორდენით დააჯილდოვა 83.2

83.7-10  
სტუდენტური ფურცალი



■ პრეზიდენტის ინიციატივები – გაცხადებული ვარლამ ჩერქეზიშვილის მოღვაწეობის ამსახველ გამოფენაზე 83.14

■ ახალი საგანი – ინოვაციური ეკონომიკა 83.13



■ 85 წელი მათემატიკის სამსახურში 83.15





# საქართველოს ჰრეზიდენტმა თსუ-ის რექტორი გიორგი შარვაშიძე ბრწყინვალეობის ორდენით დააჯილდოვა

თბილისის სახელმწიფო უნივერსიტეტის რექტორი გიორგი შარვაშიძე საქართველოს პრეზიდენტმა სალომე ზურაბიშვილმა ბრწყინვალეობის ორდენით დააჯილდოვა.


თსუ-ის რექტორს პრეზიდენტის ჯილდო ევროკავშირის უმაღლეს საგანმანათლებლო სისტემაში საქართველოს ინტეგრაციისთვის გადადგმული მნიშვნელოვანი ნაბიჯებისათვის, გამორჩეული სამეცნიერო-კვლევითი საქმიანობისათვის, მსოფლიო სამეცნიერო-კვლევით ცენტრებთან საქართველოს სამეცნიერო-კვლევითი კავშირის გაღრმავებისა და ქართულ და უცხოელ მეცნიერთა შორის სამეცნიერო ურთიერთობის ხელშეწყობისათვის, ქართული კულტურის ინტერდისციპლინარული კვლევების მხარდაჭერით საზოგადოების განვითარებაში შეტანილი განსაკუთრებული წვლილისათვის გადაეცა.

დაჯილდოების ცერემონია ორბელიანების სასახლეში გაიმართა. ბრწყინვალეობის ორდენით ასევე დაჯილდოვდა აკადემიკოსი თამაზ გამყრელიძე. ჯილდო პრეზიდენტმა მის შვილს გადასცა. ღირსების მედალი კი გადაეცათ თსუ-ის ასოცირებულ

პროფესორს, შუმეროლოგ ნინო სამსონიას, თსუ-ის პროფესორს, საერთაშორისო რანგის ხეთოლოგ ირინე ტატიშვილს და ფილოსოფიის დოქტორ თამარა დრავაძეს.

დაჯილდოების ოფიციალური ცერემონია 6 ოქტომბერს ორბელიანების სასახლეში გაიმართა.

**ბრწყინვალეობის ორდენით ასევე დაჯილდოვდა აკადემიკოსი თამაზ გამყრელიძე.**



## 2023 წლისთვის თსუ-ის სტუდენტებისთვის საუბათისო ელექტრონული პლატფორმა ამუშავდება



ინგო ხაჩულია

აკადემიური რეგისტრაციის პროცესისთვის დამახასიათებელი პრობლემები მალე წარსულს ჩაბარდება. თსუ-ის ადმინისტრაცია სტუდენტებისთვის სასწავლო პროცესის მართვის საუკეთესო ტიპის ელექტრონული სისტემის შექმნას აანონსებს. როგორც თსუ-ის ადმინისტრაციის ხელმძღვანელი ლაშა სალინაძე ამბობს, უნივერსიტეტმა მიიღო

**„ახალი ელექტრონული სისტემის გამართვის პროცესი უკვე დასრულებულია და საბაზისო პროგრამა უკვე გვსწავს. ოქტომბრის თვიდან ფაკულტეტების ჩართულობით დაიწყება აღნიშნული სისტემის განსახლებაზე/სრულყოფაზე მუშაობა და**

2023 წლის სექტემბრისთვის აკადემიური რეგისტრაციები უკვე ახალი სისტემით განხორციელდება და ის ჩაანაცვლებს არსებულ სისტემას (Lms.tsu.ge). თუ ახალი ბაზის მომზადების პროცესში შეფერხება არ გვექნება, შეიძლება ახალმა პლატფორმამ ფუნქციონირება 2022-2023 სასწავლო წლის გაზაფხულის სემესტრიდანაც დაიწყოს. ეს იქნება თანამედროვე ტიპის ელექტრონული მართვის სისტემა და ვფიქრობ, სტუდენტებისთვის საქართველოში საუკეთესო ტიპის პორტალი გვექნება“, — აღნიშნა ლაშა სალინაძემ.

სასწავლო პროცესის მართვის ელექტრონული სისტემა მრავალი წელია მოქმედებს. პირვანდელი SMS.tsu.ge შედარებით განახლებულმა სისტემამ — LMS.tsu.ge-მ შეცვალა.

„თანამედროვე ტექნოლოგიების განვითარებასთან ერთად, რა თქმა უნდა, ეს სისტემები ძველდება. LMS.tsu.ge-საც არაერთი ხარვეზი ჰქონდა, რაც, ასე თუ ისე, რალაც ეტაპზე გვარდებოდა, თუმცა, სისტემური პრობლემები პრობლემად რჩებოდა. დიდ იმედს სწორედ სასწავლო პროცესის მართვის ახალ ელექტრონულ სისტემაზე ვამყარებ“, — ამბობს ადმინისტრაციის ხელმძღვანელი.

## სტუდენტთა ჯგუფებთან პრობლემაზე ხონსულბაციაში და ერთობლივი მუშაობა გრძელდება

სტუდენტურ ჯგუფებთან, რომლებიც ცოტა ხნის წინ უნივერსიტეტის ხელმძღვანელობას რიგი საკითხების მოგვარებისკენ მოუწოდებდნენ, მოლაპარაკების ფორმატში საუბრები დღემდე გრძელდება.

„სტუდენტთა ჯგუფებთან ბოლოს აგვისტოს თვეში გვექონდა კომუნიკაცია. მანამდე ფინანსური გამჭვირვალობის საკითხზე ყველა დეტალი გავიარეთ და რადგან დამატებითი კითხვები აღარ გაჩნდა, ეს საკითხი ამოწურეთ, შევთანხმდით, რომ 2023 წლის ბიუჯეტის პროექტთან დაკავშირებით მუშაობის პროცესში, სურვილის შემთხვევაში, ისინიც ჩაერთვებოდნენ. რექტორის არჩევის წესთან დაკავშირებით სტუდენტებმა გვითხრეს, რომ სტუდენტებში სურდათ გამოკითხვის ჩატარება და გვთხოვეს ჩვენი რესურსით დახმარება, რაზეც თანხმობა გამოვთქვით. რაც შეეხება ახალ სტუდენტურ საცხოვრებელს, ჩვენი რესურსით, რისი გაკეთებაც ამ ეტაპზე შეგვიძლია, არის ის, რომ ბაგების საერთო საცხოვრებელში სამზარეულო სივრცეებს ვქმნით და სველ ნერტილებს ვარემონტებთ. ეს პროცესი ამჟამად მიმდინარეობს. სატენდერო პროცედურების გამო სარემონტო სამუშაოები დროში ცოტა გაინელა, თუმცა, ვფიქრობ, მალე დასრულდება.“

როგორც აგვისტოს თვეში სამხარაულის ეროვნული ბიუროს მხრიდან დამატებით ჩატარებულმა დასკვნამ ცხადყო, ბაგების საერთო საცხოვრებლის სრული რეაბილიტაცია არარენტაბელურია, ის დაჯდება გაცილებით ძვირი, ვიდრე მისი, პირობითად, დანგრევა და ახლიდან აშენება. შესაბამისად, მისი სრული რეაბილიტაციისთვის ფინანსების გამოყოფა სამხარაულის ეროვნულმა ბიურომ არ გვირჩია და მეორეც — ამის ფინანსური საშუალება უნივერსიტეტს, სამწუხაროდ, არ აქვს. შესაბამისად, ეტაპობრივად მივყავით ამ გზას და თუკი ახალი საერთო საცხოვრებლის მშენებლობის საკითხი დადებითად გადაწყდება, ეს ყველასთვის კარგი იქნება. ახლანდელი დაფინანსების პირობებში უნივერსიტეტს მეტის გაკეთება არ შეუძლია. ერთადერთი, რაც შეგვიძლია, არის ის, რომ ინვესტორის დაფინანსებით ან უნივერსიტეტის კონკრეტული ქონების

ჩანაცვლების გზით განვახორციელოთ ეს პროცესი სახელმწიფოსთან შეთანხმებით. მოლაპარაკება, როგორც შესაბამის უწყებებთან, ისე დაინტერესებულ პირებთან მიმდინარეობს და ვფიქრობ, რომ ამ წლის განმავლობაში ეს საკითხი უნდა გადაწყდეს — თუ რა გზით განხორციელდება ახალი საერთო საცხოვრებლის მოწყობა. ეს პრობლემა, ბუნებრივია, მხოლოდ თბილისის სახელმწიფო უნივერსიტეტს არ ანუხებს. მიმდინარე წელს სწავლა დაიწყო ყველა სახელმწიფო უნივერსიტეტმა, ბინის ქირის გაძვირება ყველას შეეხო და სტუდენტების სასარგებლოდ საერთო საცხოვრებლის საკითხის მოგვარება, ალბათ, ყველას გვმართებს“, — აღნიშნა თსუ-ის ადმინისტრაციის ხელმძღვანელმა ლაშა სალინაძემ ჩვენთან საუბრისას.

ცნობისთვის: ახალი სასწავლო წლიდან გამოცხადებული რეგისტრაციის საფუძველზე ლისის საერთო საცხოვრებელში თავისუფალი ადგილი აღარ არის დარჩენილი და ის სრულად ათვისებულია.

**სტუდენტების სასარგებლოდ საერთო საცხოვრებლის საკითხის მოგვარება, ალბათ, ყველას გვმართებს**





# აზროვნა

14-16 ოქტომბერს ივანე ჯავახიშვილის სახელობის თბილისის სახელმწიფო უნივერსიტეტი ოკუპაციური თერაპიის უმაღლესი განათლების ევროპული ქსელის (ENOTHE) ყოველწლიურ კონფერენციას უმასპინძლებს. საქართველოს სხვადასხვა ქვეყნის ოკუპაციური თერაპევტები, მეცნიერები და სტუდენტები ეწვევიან: ჰოლანდიიდან, ბელგიიდან, დიდი ბრიტანეთიდან, ავსტრიიდან, ესპანეთიდან, ლიეტუვიდან, შვედეთიდან და სხვა. ჩამომსვლელ სტუმრებს შორისაა ოკუპაციური თერაპიის მსოფლიო ფედერაციის (WFOT) პრეზიდენტიც. სტუმრებს მიესალმება განათლებისა და მეცნიერების ფაკულტეტის დეკანი თამარ გაგომიძე.



საქართველოს კომუნიკაციების კომისია ახალგაზრდებში კრიტიკული აზროვნების, ფაქტების გადამოწმების, ანალიზისა და შეფასების უნარების განვითარების ხელშეწყობისთვის ატარებს მედიანინიერების კონკურსს ბაკალავრიატის საფეხურის სტუდენტებისთვის. კონკურსის ფარგლებში, სტუდენტებმა ინდივიდუალურად უნდა შეასრულონ შემდეგი დავალება: აღმოაჩინონ მედიასივრცეში (ინტერნეტი, ტელევიზია, ბეჭდური მედია, სხვ.) გავრცელებული ყალბი ინფორმაცია (რომელიც ჯერ არ ყოფილა დადასტურებული, როგორც ყალბი), წარმოადგინონ აღმოჩენის გზა, შესაბამისი წყარო, შესაძლო მოტივები და პარალელურად, დაადგინონ რეალური ფაქტები, ამბავი. პირველი ადგილის მფლობელი საჩუქრად iPhone 14-ს მიიღებს, მეორე ადგილის მფლობელი — HP Laptop, ხოლო მესამე ადგილზე გასულ სტუდენტს — iPad გადაეცემა.

25 ოქტომბერს, 16.00 საათზე, სახელმძღვანელოების — „ფინანსური აღრიცხვა“ და „სავაჭრო ურთიერთობებისა და ამოცანების კრებული ფინანსურ აღრიცხვაში“ პრეზენტაცია გაიმართება. წიგნი მომზადებულია საბაკალავრო პროგრამით გათვალისწინებული კურსისათვის „ფინანსური აღრიცხვა“. სახელმძღვანელოები მომზადებულია ეკონომიკისა და ბიზნისის ფაკულტეტის აღრიცხვის, ანალიზისა და აუდიტის კათედრის მიერ პროფესორ ლევან საბაურის რედაქტორობით.

2022 წელი ცნობილი ქართველი ენათმეცნიერის აკაკი შანიძის (1887-1987) 135 წლის იუბილეა. აღნიშნულ თარიღთან დაკავშირებით, თსუ-ის ბიბლიოთეკა მართავს აკაკი შანიძის სახელობის ქართველოლოგიურ სამეცნიერო კითხვანს. კითხვანში მონაწილეობას მიიღებენ თბილისის სახელმწიფო უნივერსიტეტის აკადემიური პერსონალი, უნივერსიტეტის სამეცნიერო კვლევითი დაწესებულებების მკვლევარები, თანამშრომლები და დოქტორანტურის საფეხურის სტუდენტები. კითხვანის მომხსენებელთა შერჩევა მოხდება თეზისების წარმოდგენის შედეგად. 2022 წლის 10 ნოემბრამდე მონაწილეებმა ელექტრონულ მისამართზე — [library@tsu.ge](mailto:library@tsu.ge) — უნდა გადმოაგზავნონ კითხვანის მოხსენების თეზისები (არაუმეტეს 400 სიტყვისა). თეზისების შერჩევის შემდეგ მონაწილეებმა, არაუგვიანეს 20 ნოემბრისა, ამავე მისამართზე უნდა გადმოაგზავნონ საბოლოო ნაშრომები. კითხვანის გამართვის თარიღია — 2022 წლის 30 ნოემბერი.

კონკურსში „ევროკავშირის პრიზი ჟურნალისტიკაში 2022“ მონაწილეობისთვის განაცხადების მიღება დაიწყო. წელს კონკურსს ახალი კატეგორია დაემატა: საუკეთესო სტუდენტური ნაშრომი ბეჭდურ, სამაუნწყებლო ან ონლაინ მედიაში. კონკურსში მონაწილეობის მიღება შეუძლია საქართველოში აკრედიტებული უნივერსიტეტის ბაკალავრიატის სტუდენტს, რომლის ნამუშევარი გამოქვეყნებულია ქართულ ბეჭდურ, ონლაინ ან სამაუნწყებლო მედიასივრცეში 2021 წლის 30 ნოემბრიდან 2022 წლის 1 ნოემბრის ჩათვლით. საკონკურსო ნამუშევრების წარდგენის ბოლო ვადაა 2022 წლის 1 ნოემბერი, 18:00 საათი. დამატებითი ინფორმაციისთვის დაუკავშირდით: [Tamriko.Mikadze@eas.europa.eu](mailto:Tamriko.Mikadze@eas.europa.eu); [nino@iwpr.net](mailto:nino@iwpr.net)



2022  
ევროკავშირის პრიზი  
ჟურნალისტიკაში

მედიასივრცის პრიზი  
ჟურნალისტიკაში - 2022

შემოდგომის სემესტრში სააუდიტორიო მაცადინეოებები 19 სექტემბერიდან 31 დეკემბრის ჩათვლით გაგრძელდება. საბამოცდო პერიოდია: 9 იანვარი — 6 თებერვალი (დასკვნითი გამოცდა); 13 — 18 თებერვალი (დამატებითი გამოცდა); არადაბეგვი გამოცხადებულია 1 — 8 იანვარი, 19 თებერვალი — 5 მარტი....

ინსულტის დარგში მოღვაწე მსოფლიოს გამოჩენილი მკვლევრები და პრაქტიკოსები დასავლეთ, ცენტრალური და აღმოსავლეთ ევროპიდან, ამერიკის შეერთებული შტატებიდან, კანადიდან, ისრაელიდან, საქართველოსა და სამეზობლო ქვეყნებიდან მონაწილეობდნენ მე-8 რეგიონულ კონფერენციაში — „თბილისი 2022: ინსულტის პრევენცია, დიაგნოსტიკა და მკურნალობა“. კონფერენცია ინსულტის მსოფლიო ორგანიზაციის (World Stroke Organization, WSO) ეგიდით, ივანე ჯავახიშვილის სახელობის თბილისის სახელმწიფო უნივერსიტეტისა და საქართველოს ინსულტის ასოციაციის ორგანიზებით გაიმართა. მსგავსი მიმართულების კონფერენციის საქართველოში გამართვის მნიშვნელობაზე ისაუბრა საქართველოს განათლებისა და მეცნიერების მინისტრის მოადგილემ ნუნუ მიცკევიჩმა. მისი თქმით, „საერთაშორისო კონფერენცია ცნობილი მეცნიერების, ახალგაზრდა მკვლევრებისთვის საუკეთესო შესაძლებლობაა ურთიერთობის გაფართოების, თანამშრომლობის, სამეცნიერო-კვლევითი მიმართულებით, ჰორიზონტი ევროპის ჩარჩო პროგრამის ფარგლებში ახალი კონსორციუმების ჩამოყალიბების და სამეცნიერო საგრანტო კონკურსებში კიდევ ერთი წარმატებისთვის“. თსუ-ის მედიცინის ფაკულტეტის ნევროლოგიისა და ნეიროქირურგიის დეპარტამენტის ხელმძღვანელის, პროფესორ ალექსანდრე ცისკარიძის თქმით, ინსულტის საერთაშორისო კონფერენციების რუკაზე თბილისი 2000 წელს გამოჩნდა და მას შემდეგ იგი ერთ-ერთ ყველაზე საინტერესო და პრესტიჟულ კონფერენციად ითვლება ინსულტის სპეციალისტებისა და ნევროლოგების საზოგადოებაში.

ორი მეგობარი ქვეყნის — საქართველოსა და პოლონეთს შორის ურთიერთობებზე ისაუბრეს ივანე ჯავახიშვილის სახელობის თბილისის სახელმწიფო უნივერსიტეტში გამართულ საერთაშორისო სამეცნიერო კონფერენციაზე „პოლონეთი — საქართველო. ორსაუკუნოვანი დიალოგი“. დღევანდელი ღონისძიება, რომელიც თბილისის სახელმწიფო უნივერსიტეტში იმართება, არის მაგალითი ჩვენი ქვეყნების, პოლონეთსა და საქართველოს შორის არსებული ნაყოფიერი თანამშრომლობის. მოხარული ვარ, რომ დღეს გავიხსენებთ მე-19 საუკუნის, მე-20 საუკუნის გმირებს და საზოგადოებას შევახსენებთ, როგორც ურთიერთობა გვაქვს ქართველებსა და პოლონელებს, მიუხედავად სახელმწიფოს შორის დიდი დისტანციისა, — განაცხადა პოლონეთის რესპუბლიკის ელჩმა საქართველოში მარიუმ მაშკიევიჩმა. თსუ-ის ჰუმანიტარულ მეცნიერებათა ფაკულტეტის პოლონისტიკის ცენტრის ხელმძღვანელის, თსუ-ის პროფესორის მარია ფილინას განცხადებით, 25 წლის წინ თბილისის სახელმწიფო უნივერსიტეტში დაარსდა პირველი პოლონური საზოგადოებრივი ორგანიზაცია კავკასიაში — „პოლონია“. „მას მერე, ჩვენ ვატარებთ კონფერენციებს, მათ შორის, საერთაშორისო კონფერენციებს ქართულ-პოლონურ ურთიერთობებზე. დღეს ჩვენ მივიღეთ პოლონეთის სენატიდან და სეიმიდან მისალმებები, სადაც წერია, რომ ყოველი ჩვენი ღონისძიება არის ქართულ-პოლონური ურთიერთობების დარგში წინსვლა“, — აღნიშნა მარია ფილინამ.

საერთაშორისო ჰუმანიტარული სამართლისა და ადამიანის უფლებათა საერთაშორისო სამართლის საკითხები განიხილეს ადამიანის უფლებათა ევროპული სასამართლოს მოქმედმა და ყოფილმა მოსამართლეებმა, პრაქტიკოსმა იურისტებმა, მეცნიერებმა და მკვლევრებმა მსოფლიოს 13 ქვეყნიდან საერთაშორისო კონფერენციაზე, რომელიც, საქართველოში პირველად, თბილისის სახელმწიფო უნივერსიტეტში 29 სექტემბერს გაიხსნა. კონფერენცია მიეძღვნა საერთაშორისო სამართლის სკოლის ფუძემდებლის, აკადემიკოსის, პროფესორ ლევან ალექსიძის ხსოვნას. თსუ-ის იურიდიული ფაკულტეტის საერთაშორისო სამართლის ინსტიტუტის ხელმძღვანელის ირინე ქურდიას თქმით, საერთაშორისო სამართლის სპეციალისტებმა მთელი მსოფლიოდან ერთმანეთს გაუზიარეს გამოცდილება — რა შეიძლება გაკეთდეს იმისათვის, რომ ასეთ არასტაბილურ მსოფლიოში, პრობლემების გადაწყვეტის კონტექსტში, სამართლებრივი გზები შესთავაზონ საზოგადოებას.


„თბილისის სახელმწიფო უნივერსიტეტი როცა დაარსდა, დაახლოებით 105 წლის წინ, პირველი განკარგულება სწორედ ივანე ჯავახიშვილმა გასცა. ეს იყო აფხაზური ცენტრის დაარსება, რომელიც აფხაზური და შემდეგ ოსური ენების შესწავლაზე იზრუნებდა. თბილისის სახელმწიფო უნივერსიტეტი არ იყო მაშინ მხოლოდ უნივერსიტეტი. ეს იყო მაშინ ერთადერთი ევროპული ინსტიტუცია, რომელიც შეიქმნა ქვეყანაში. ჩვენ დღესაც ვაღივლებთ ვართ — ვიზრუნოთ აფხაზეთზე, აფხაზ ერზე“, — ეს განცხადება თსუ-ის რექტორმა გიორგი შარვაშიძემ ორბელიანების სასახლეში საქართველოს პრეზიდენტთან სალომე ზურაბიშვილთან 27 სექტემბერს — სოხუმის დაცემის დღესთან დაკავშირებით გამართულ შეხვედრაზე გააკეთა. გიორგი შარვაშიძის თქმით, გარდა იმისა, რომ თსუ-ში მეცნიერები აქტიურად მუშაობენ აფხაზური ენისა და კულტურის მიმართულებით, აქტიურად მუშაობს თსუ ქართულ-აფხაზურ ურთიერთობათა სამეცნიერო-კვლევითი ცენტრი, აფხაზურ ენაზე ინტერნეტ-რადიო და სტუდენტური ტელევიზია.

ათონის წმინდა მთის ვატოპედის მონასტრის წინამძღვრის მიერ ივანე ჯავახიშვილის სახელობის თბილისის სახელმწიფო უნივერსიტეტის სტუდენტების დაფინანსების მიზნით დამტკიცდა კანდიდატთა შერჩევისა და წარდგენის წესი. 10 სტუდენტის სწავლის საფასურის დაფინანსების შესახებ ათონის წმინდა მთის ვატოპედის მონასტრის წინამძღვარმა არქიმანდრიტმა ეფრემმა 21 სექტემბერს თსუ-ში გამართულ შეხვედრაზე განაცხადა. უნივერსიტეტი დაფინანსების მიღების მიზნით სწავლის საფასურის დაფინანსების გამცემს წარუდგენს იმ კანდიდატთა მონაცემებს, რომლებიც აკმაყოფილებენ ამ წესში მითითებულ კრიტერიუმებს.



თსუ-ს ვატოპედის მონასტრის წინამძღვარი ესტუმრა





83-84-ე

ადამიანის ევოლუციის შესასწავლად ორი მსოფლიო მნიშვნელობის ძეგლის — ოლდუვიას (ტანზანია) და დმანისის (საქართველო) კვლევის შედეგებს განიხილავდნენ, 20 სექტემბერს, საერთაშორისო კონფერენციაზე — „დმანისი-ოლდუვია — ხიდი აფრიკასა და ევროპას შორის“, რომელიც თბილისის სახელმწიფო უნივერსიტეტში გაიხსნა. ღონისძიებას თსუ-ის რექტორი გიორგი შარვაშიძე, საქართველოს ეროვნული მუზეუმის ხელმძღვანელი, თსუ-ის პროფესორი დავით ლორთქიფანიძე, ინდიანას (აშშ) უნივერსიტეტის პროფესორები და თსუ-ის საპატიო დოქტორები ქეთი შიკი და ნიკოლას ტოტი, მეცნიერები მსოფლიოს სხვადასხვა ქვეყნიდან (საქართველო, ტანზანია, აშშ, გერმანია, იტალია, ესპანეთი), სტუდენტები და პროფესორ-მასწავლებლები ესწრებოდნენ. „ჩვენთვის განსაკუთრებით მნიშვნელოვანი და საამაყოა, რომ ოროზმანში მიმდინარე არქეოლოგიურ სამუშაოებსა და უნიკალური არტეფაქტების აღმოჩენაში თბილისის სახელმწიფო უნივერსიტეტის სტუდენტები იყვნენ ჩართული“, — განაცხადა თსუ-ის რექტორმა. ოთხდღიანი კონფერენციის განმავლობაში ქართველი და უცხოელი მეცნიერები დმანისის მუნიციპალიტეტში მდებარე ოროზმანის ძეგლს ეწვივნენ, სადაც 2022 წლის არქეოლოგიური სამუშაოების დროს ჰომინიდების გავრცელების ახალი კერა გამოვლინდა. ოლდუვიას შემდეგ დმანისი ერთ-ერთი ადგილია, სადაც ადრეული ჰომინიდების ნაშთები აღმოჩნდა, რომლებიც 1,8 მილიონი წლით თარიღდება. დმანისში, ამ ეტაპზე, ადამიანის ხუთი თავის ქალა და 100-მდე ჩონჩხის ძვალა აღმოჩენილი. დმანისში არქეოლოგიური კვლევების მხარდამჭერია შოთა რუსთაველის სახელობის ეროვნული სამეცნიერო ფონდი. კვლევებში აქტიურად მონაწილეობენ თბილისის სახელმწიფო უნივერსიტეტის დოქტორანტები.

თსუ-სა და ესტონეთის Ida-Virumaa Kutsehariduskeskus-ს პროფესიული განათლების ცენტრებს შორის თანამშრომლობის გაღრმავებას, პროფესიული განათლების მიმართულებით ცოდნისა და გამოცდილების გაზიარებას, სტუდენტთა და პროფესორ-მასწავლებელთა მობილობას გულისხმობს თანამშრომლობის მემორანდუმი, რომელსაც ხელი თსუ-ის რექტორმა გიორგი შარვაშიძემ და Ida-Virumaa Kutsehariduskeskus-ს ხელმძღვანელმა ჰანეს მელსიმ მოაწერეს. საერთაშორისო პარტნიორობის ფარგლებში ასევე განხორციელდება ერთობლივი საერთაშორისო პროექტები, გაიმართება კონფერენციები და სემინარები.

ესტონეთის Ida-Virumaa Kutsehariduskeskus პროფესიული განათლების ცენტრი სამი ქალაქის („Sillamäe, Jõhvi, Narva-Jõesuu“) პროფესიული განათლების სკოლებს აერთიანებს. იგი ესტონეთში ყველაზე დიდა სტუდენტებისა და საგანმანათლებლო პროგრამების განხორციელების რაოდენობით.

თბილისის სახელმწიფო უნივერსიტეტში მოქმედი ყველა პროფესიული საგანმანათლებლო პროგრამის განხორციელება თსუ-ის ახალმა დამხმარე საგანმანათლებლო ერთეულმა „თსუ პროფესიული განათლების ცენტრმა“ 2019 წლის ივნისიდან დაიწყო. ცენტრი 15 პროფესიულ საგანმანათლებლო პროგრამას ორ ლოკაციაზე — თბილისსა და ქუთაისში ახორციელებს. თსუ-ში მოქმედი ყველა პროფესიული საგანმანათლებლო პროგრამა სახელმწიფოს მიერ 100%-ით არის დაფინანსებული.

თსუ-სა და „საქართველოს საკანონმდებლო მაცნეს“ შორის თანამშრომლობის მემორანდუმი გაფორმდა, რომელსაც ხელი თსუ-ის რექტორმა გიორგი შარვაშიძემ, თსუ-ის კანცლერმა ლაშა სალინაძემ და „საქართველოს საკანონმდებლო მაცნეს“ თავმჯდომარემ ნათია ჩირიკაშვილმა მოაწერეს. ხელშეკრულების თანახმად, უნივერსიტეტის შენობაში განთავსდება საკანონმდებლო მაცნის წიგნების თვითმომსახურების აპარატი, სადაც სტუდენტები, ასევე, ნორმატიული აქტების ბეჭდური ვერსიებით დაინტერესებული სხვა პირები შეძლებენ საკანონმდებლო მაცნის მიერ გამოცემული ნორმატიული აქტების ტექსტების შეძენას ხელმისაწვდომი პირობებით.

11-16 სექტემბერს პოლონეთის დედაქალაქ ვარშავაში გაიმართა ნუმიზმატთა XVI საერთაშორისო კონგრესი, რომელზეც პირველად ამ კონგრესების ისტორიაში ცალკე სექციად იყო წარმოდგენილი ქართული ნუმიზმატიკა. სექციას თავმჯდომარეობდა თსუ-ის ჰუმანიტარულ მეცნიერებათა ფაკულტეტის საქართველოს ისტორიის ინსტიტუტის ხელმძღვანელი, პროფესორი თედო დუნდუა. ქართული ნუმიზმატიკის ინგლისურ-ქართული ონლაინ კატალოგი <http://geonumismatics.tsu.ge/public/home/ge> ფუნქციონირებს ნაშრომით, რომელიც მოგვითხრობს საქართველოში მოჭრილ მონეტებზე და ქვეყნის ფულად მიმოქცევაში ჩართულ უცხოურ ნუმიზმატიკურ ძეგლებზე. კატალოგის საერთაშორისო აღიარებაზე მეტყველებს მისი განთავსება ამერიკულ ელექტრონულ ჟურნალში <http://ancientworldonline.blogspot.com/.../online-english...> 2021 წელს კატალოგის ბეჭდური ვერსია ათენში გამოიცა. ცხადია, როგორც კატალოგს, ასევე, ქართულ სამონეტო ემისიებს მეტი პოპულარიზაცია სჭირდება. 2022 წლის ვარშავის კონგრესზე ქართული ნუმიზმატიკის სექციის გახსნა სწორედ ამ მიზანს ემსახურებოდა. კონგრესზე საინტერესო მოხსენებები წარადგინეს თედო დუნდუამ



საერთაშორისო კონფერენცია საერთაშორისო ჰუმანიტარული სამართლისა და ადამიანის უფლებათა საერთაშორისო სამართლის საკითხებზე



(„სამონეტო საქმე საქართველოში. ზოგადი მიმოხილვა – ქართული ნუმიზმატიკის ინგლისურ-ქართული ონლაინ-კატალოგის პრეზენტაცია“), ნათია ფიფია („სამონეტო ტიპები საქართველოში და ბერძნულ-რომაული სამყარო“), ლერი თავაძე („სამონეტო ტიპები საქართველოში და ბიზანტიური სამყარო“) და ევგენი ტანიშვილი („ქართული ნუმიზმატიკის კატალოგის მიღმა – ახალი სამონეტო აღმოჩენები საქართველოში“).

სხვადასხვა ამაჩქარებლებზე მიმდინარე ექსპერიმენტების ახალი შედეგების შესახებ თბილისის სახელმწიფო უნივერსიტეტმა 41-ე საერთაშორისო სიმპოზიუმს — „ფიზიკა ურთიერთქმედებაში“ (Physics in Collision) უმასპინძლა. როგორ გადაწყდა ამ სიმპოზიუმის ჩატარება თბილისის სახელმწიფო უნივერსიტეტში? როგორც გაირკვა, ქართულ-გერმანული ხიდის ფარგლებში ჩამოყალიბებულმა სამეცნიერო კონტაქტებმა ხელი შეუწყო „Physics in Collision“ სიმპოზიუმის ჩატარებას საქართველოში. 5-9 სექტემბერს, სიმპოზიუმის ფარგლებში, მსოფლიოში ცნობილმა 30-მდე მეცნიერმა მაღალი ენერჯიების ფიზიკის ექსპერიმენტების შედეგები წარმოადგინა და კოლეგებს სიახლეები გაუზიარა. სიმპოზიუმს დიდი ხნის ისტორია აქვს. პირველად იგი 1981 წელს ამერიკის შეერთებულ შტატებში, ქალაქ ბლექსბურგში (Blacksburg) ჩატარდა და მას შემდეგ ყოველწლიურად იმართება. გამოაკლისი იყო 2020 წელი, როცა, პანდემიის გამო, კონფერენცია გადაიდო. „გამოტოვებულ“ კონფერენციას შარშან აახენის ტექნოლოგიურმა უნივერსიტეტმა (გერმანია) უმასპინძლა, წელს კი ეს პატივი საქართველოს, კერძოდ, თბილისის სახელმწიფო უნივერსიტეტს ერგო. „მოხსენებები იმის მიხედვით ირჩევა, თუ რამდენად კარგადაა მასში მიმოხილული ექსპერიმენტების მიმდინარეობა და შედეგები. მოხსენებებს არჩევს მსოფლიოში ცნობილი 20-მდე მეცნიერი, რომლებსაც ორგანიზატორი ქვეყნის წარმომადგენელიც უერთდება. ამდენად, წელს მეც მქონდა პატივი, შემესრულებინა ეს საკმაოდ საპასუხისმგებლო სამუშაო და ჩავრთულიყავი საერთაშორისო მრჩეველთა საბჭოში“, — გვითხრა კონფერენციის ორგანიზატორმა, თსუ-ის ასოცირებულმა პროფესორმა რევაზ შანიძემ.

**Schuchmann**  
CHATEAU, VILAS & SPA

**შემოდგომის ღვინვა 2022**

შენი აღმოჩენის ძიება!

თუ ბიჭვანის წიხი და ხაჯი თაბახაშვილი - თბილისის სახელმწიფო უნივერსიტეტი დაიხმობენთ საუბრაში იტალიაში არსებულ „შემოდგომის ღვინვა“, ნაც არაფრის აპოლონიკა „შემოდგომის ღვინვა“.

არაფრის მონაწილეობა საუბრაში ყველა ვალდებული არ არის, საიდანაც საინფორმაციო საშუალებები შეგიძლიათ.

**ამონაწილი 10 ლიტრიანი ბოთლი:**

I ბოთლი - შიდა მარჯვენა ბოთლი  
II ბოთლი - იმპროვიზაციული ბოთლი  
III ბოთლი - იმპროვიზაციული ბოთლი

შეგიძლიათ დაგვიწეროთ 10 ფონდის, რომელიც იმპროვიზაციული ბოთლი მოგვითხრობს თქვენს აზრებს. თქვენი აზრები შეგიძლიათ დაგვიწეროთ 10 ფონდის, რომელიც იმპროვიზაციული ბოთლი მოგვითხრობს თქვენს აზრებს.

თბილისის სახელმწიფო უნივერსიტეტის ფაქულტეტი და საინფორმაციო უნივერსიტეტი

**I აბიტი - 1000 ლარი და ზონის სიმბოლო**  
**II აბიტი - 700 ლარი**  
**III აბიტი - 500 ლარი**

დაემატიოთ ინფორმაციისთვის იხილეთ:  
[www.tsu.ge](http://www.tsu.ge) [www.facebook.com/tsu.legend](https://www.facebook.com/tsu.legend)



# რა სიახლეებით შეხვდნენ ფაკულტეტები ახალ სასწავლო წელს?

გვესაუბრება თსუ-ის სოციალურ და პოლიტიკურ მეცნიერებათა ფაკულტეტის დეკანი  
თამარ ღოღობაძე



გაუზიარებს საგნების არჩევასთან თუ სხვა ადმინისტრაციულ საკითხებთან დაკავშირებით. ჩვენ ამისთვის, ცხადია, სპეციალისტებიც გვყავს, თუმცა თანატოლისგან მიღებული ინფორმაცია მათთვის უფრო მნიშვნელოვანია.

ოქტომბრის დასაწყისში შედგება საუკეთესო პირველსემესტრელთა დაჯილდოება. ასევე იგეგმება შეხვედრები პირველკურსელებთან მიმართულებების მიხედვით.

სიახლეები პირველ რიგში ეხება ინფრასტრუქტურას. იმის გამო, რომ ჩვენს განკარგულებაში არსებული მეოთხე კორპუსი უკვე გამოუსადეგარი გახდა სასწავლო პროცესისთვის, შევარჩიეთ თსუ-ის ელფეთერ ანდრონიკაშვილის სახელობის ფიზიკის ინსტიტუტის შენობის ერთი ფლიგელი და სტუდენტთა ნაწილი — ძირითადად პირველსემესტრელები და მაგისტრატურის სტუდენტები გადავიყვანეთ. იქ ძალიან კარგი სასწავლო გარემო და ეზოა და სამომავლოდ, ვფიქრობ, საფაკულტეტო ღონისძიებების გასამართადაც გამოვიყენებთ.

რაც შეეხება აკადემიურ პროგრამებს — მოგახსენებთ, რომ გასული წელი მთლიანად დაეთმო აკრედიტაციის სამზადისს. 2021 წლის სექტემბრიდან ივნისამდე პერიოდში ჩვენი ფაკულტეტის 19-მა პროგრამამ გაიარა აკრედიტაცია. ამდენად, გასული წელი მთლიანად დაეთმო პროგრამების დახვეწასა და მათ სტანდარტებთან მეტად მიახლოების საკითხებზე მუშაობას. ფაკულტეტის აკადემიურმა და ადმინისტრაციულმა პერსონალმა ძალისხმევა არ დაიშურა და შედეგად მივიღეთ ყველა პროგრამის აკრედიტაცია 7 წლით.

აქვე მინდა ვთქვა, რომ ფაკულტეტზე სამივე საფეხურის სტუდენტებს აქვთ ხელშეწყობა როგორც თეორიული და სამკვლევრო, ასევე, პრაქტიკული გამოცდილების მისაღებად. გვაქვს სტაჟირებისა და სტუდენტური პრაქტიკის პროგრამები, ყოველწლიურად იმართება სამეცნიერო კონფერენციები, მჭიდრო კავშირები გვაქვს უცხოელ პარტნიორებთან. მაგალითისთვის მოვიყვან გის (გეოინფორმაციური სისტემების) ლაბორატორიას, რომელიც ჩვენს ფაკულტეტზე გაიხსნა და დღესაც ტრენდება. ამ ლაბორატორიას აქტიური კავშირები აქვს უცხოურ კვლევით ორგანიზაციებთან. ისინი ხშირად ჩამოდიან და ერთობლივად ვატარებთ ღონისძიებებს. მაგალითად, ახლახან, ივლისის თვეში ჩამოსულნი იყვნენ ავსტრიიდან ანალოგიური პროფილის ორგანიზაციის წარმომადგენლები... გეოინფორმაციული სისტემები, როგორც კვლევის მეთოდი, შემოვიტანეთ სასწავლო პროგრამაშიც და დოქტორანტები დაინტერესებულნი არიან. მომავალში მინდა უფრო შორს წავიდე და ეს საგანი საფაკულტეტო საგნადაც შემოვიტანოთ.

ასევე მინდა აღვნიშნო, რომ ფაკულტეტის ადმინისტრაცია ცდილობს ხელი შეუწყოს პროფესორის სამკვლევრო საქმიანობაშიც. ამისთვის წინა წლებში საკმაოდ ბევრი აქტივობა განვახორციელეთ. ამის მაგალითია მიზნობრივი პროექტები, რომელშიც პირდაპირ ჩანს პროფესორის და სტუდენტის თანამშრომლობის შედეგი. ასევე ჩანს, თუ როგორ სწავლობს ოსტატისგან შეგირდი. ამით ჩვენ სტუდენტს კურიკულუმის ფარგლებში განსავითარებელი საკითხების შესწავლის საშუალებას ვაძლევთ — ანუ მიმდინარეობს კვლევა და ამ კვლევის შედეგად სასწავლო პროცესის განახლება-განვითარება. მიმაჩნია, რომ ძალიან კარგი გადაწყვეტილება მივიღეთ, როცა ეს პროექტი დავტოვეთ პრაქტიკაში. უკვე წლებია, ფაკულტეტის მიზნობრივი სამეცნიერო-კვლევითი პროექტების ფარგლებში არაერთი წინაგადაწყვეტილება ვატარებთ, რომლებშიც სამივე საფეხურის სტუდენტები არიან ჩართულნი. ეს პროექტი ჩვენს პროფესორს მინიმალური სახელფასო სტანდარტის შესრულებაშიც ეხმარება და ის 50 ქულით ფასდება.

რამდენიმე წლის წინ, ასევე, ჩვენი ინიციატივით დაარსდა და შეიქმნა სტუდენტთა და პროფესორთა სამეცნიერო ჟურნალები. ამ ჟურნალებში გამოქვეყნდება 50 ქულის შესაძლებლობას იძლევა. ამას ემატება საფაკულტეტო კონფერენცია, რომელიც ათი წლის წინ ჩემი ინიციატივით დაარსდა და მასში მონაწილეობაც 30 ქულით ფასდება. ამდენად, ფაკულტეტი 130 ქულას გარანტირებულად აძლევს პროფესორს და თუ ამას დაემატებთ შესაძლებლობას, რომ ასევე ვაფინანსებთ იმპაქტ-ფაქტორიან ჟურნალებში გამოქვეყნებას, თამამად შეიძლება ითქვას, რომ ჩვენგან აკადემიურ პერსონალს ხელშეწყობა ნამდვილად აქვს.

ბოლოს მინდა მივულოცო პირველსემესტრელებს, რომ ისინი რეგორში პირველი უნივერსიტეტის სტუდენტები გახდნენ. მინდა ვუსურვო წარმატებები და ქვეყნის განვითარებისთვის სასიკეთო პროცესებში ჩართვა. მომავალი ხომ მათია!

ბოლოს მინდა მივულოცო პირველსემესტრელებს, რომ ისინი რეგორში პირველი უნივერსიტეტის სტუდენტები გახდნენ. მინდა ვუსურვო წარმატებები და ქვეყნის განვითარებისთვის სასიკეთო პროცესებში ჩართვა. მომავალი ხომ მათია!

გვესაუბრება თსუ-ის იურიდიული ფაკულტეტის დეკანი  
თამარ ზარანდია

თსუ-ის იურიდიული ფაკულტეტის „consortium omnis vitae — მთელი ცხოვრების თანამეგობრობა“ სამართლისა და საერთაშორისო სამართლის საბაკალავრო პროგრამის 680 პირველკურსელი შემოუერთდა. იურიდიული ფაკულტეტი უკვე ასწლიან ისტორიას ითვლის და დღეს ამაყად შეგვიძლია ვთქვათ, რომ, აკადემიური ტრადიციების გათვალისწინებით, განათლების ბაზარზე მოთხოვნის, სწავლების ხარისხის, კურსდამთავრებულთა დასაქმებისა თუ სხვა მაჩვენებლებით იგი უპირობო ლიდერია. ამასთან, იურიდიულ ფაკულტეტზე ჩაბარება თითოეული სტუდენტის გულმოდგინებისა და თავდაუზოგავი შრომის შედეგია. თუმცა, მოხვედრა თსუ-ის იურიდიულ ფაკულტეტზე არის რთული, მაგრამ სწავლა — კიდევ უფრო რთული.

სასიხარულოა, რომ უკვე დასრულდა მეორე აკადემიური კორპუსის იურიდიული ფაკულტეტის ნაწილის რეაბილიტაცია, კორპუსი აღიჭურვა საჭირო ინვენტარით, მოიხსნა პანდემიასთან დაკავშირებული შეზღუდვები და იურიდიული ფაკულტეტის სტუდენტებს შესაძლებლობა აქვთ მშობლიურ, მეორე აკადემიური კორპუსის სივრცეში გააგრძელონ სწავლა.

იურიდიული ფაკულტეტი ახალ სასწავლო წელს მთელი რიგი სიახლეებით ხვდება — გაფართოვდა საერთაშორისო პარტნიორობა სხვადასხვა უნივერსიტეტსა თუ ინსტიტუტებთან, საგანმანათლებლო პროგრამებზე დამატებულია ახალი და უნიკალური სასწავლო კურსები, დაგეგმილია სასტიპენდიო კონკურსები სტუდენტებისთვის და სხვა.

ოქტომბრის თვეში იურიდიულ ფაკულტეტზე გაიმართება „ქართულ გერმანული კოლოქიუმი“ ქართველი და გერმანული

პროფესორების ჩართულობით (კერძო სამართლის მიმართულებით), ასევე, შემოდგომაზე გაიმართება ფორუმი სამართლის ისტორიის მიმართულებით პოლონელ პარტნიორებთან თანამშრომლობით. გაზაფხულის სემესტრში ვუმასპინძლებთ ჰამბურგის მაქს პლანკის საზღვარგარეთის ქვეყნებისა და საერთაშორისო კერძო სამართლის ინსტიტუტთან უკვე ტრადიციულ ქვეყნულ მეოთხე ერთობლივ კონფერენციას, რომელიც მიეძღვნება ევროპული ინტეგრაციის საკითხებს და მასში მონაწილეობას მიიღებთ ჰამბურგის მაქს პლანკის ემერიტირებული დირექტორი, მრავალგზის საპატიო დოქტორი იურგენ ბაზედოვი, პროფესორი როლფ კნიპერი და სხვა ცნობილი მეცნიერები. ასევე, მარტის თვეში იურიდიულ ფაკულტეტს ეწვევა ამავე ინსტიტუტის დირექტორი, მრავალგზის საპატიო დოქტორი და პროფესორი რალფ მიხაელსი, რომელიც საჯარო ლექციებს გამართავს ჩვენი სტუდენტებისა და დაინტერესებული პირებისთვის შედარებითი კერძო სამართლის საკითხებზე.

შეიქმნა სადისკუსიო პლატფორმა — „დიპლომატიკის პრაქტიკასთან“, სადაც პრაქტიკოსი იურისტებსა და აკადემიური წრეების წარმომადგენლებს შესაძლებლობა აქვთ გააზიარონ ცოდნა და გამოცდილება, ჩაატარონ შეხვედრებისა და ლექციების ციკლი სხვადასხვა მიმართულებით. შემოდგომაზე იგეგმება პირველი შეხვედრა ადმინისტრაციული სამართლის მიმართულებით მოსამართლეებს, პრაქტიკოსებსა და აკადემიური წრის წარმომადგენლებს შორის პროფესორ ირმა ხარშილავის ორგანიზებით, რომელიც უკვე იურიდიული ფაკულტეტის ადმინისტრაციული გუნდის წევრი გახდა და ზაფხულიდან დაიკავა იურიდიული ფაკულტეტის დეკანის მოადგილის პოზიცია სასწავლო მიმართულებით.

2022-2023 სასწავლო წლის შემოდგომის სემესტრში ბაკალავრიატისა და მა-



გისტრატურის საფეხურის სტუდენტებისთვის სიახლეებია სასწავლო კურსების შეთავაზების მხრივაც. იურიდიული ფაკულტეტი მუდმივად ზრუნავს, შესაბამისი პროცედურების დაცვით, საკუთარი პროგრამების განვითარებაზე, კერძოდ, პირველად საქართველოში თსუ-ის იურიდიული ფაკულტეტის ბაკალავრიატის საფეხურის სტუდენტებს აქვთ შესაძლებლობა შეისწავლონ სასწავლო დისციპლინა — სამართლის ტექნოლოგიები (ლიცენზიებული). სასწავლო კურსის ფარგლებში, პროფესორ გიორგი ხუბუას, პროფესორ შტეფან ბრაიდენბახისა და ასოცირებული პროფესორის ლადო სირდაძის მონაწილეობით, სტუდენტები გაეცნობიან სამართლის დიგიტალიზაციასთან დაკავშირებულ საკითხებს. სასწავლო კურსი უნიკალურია და მისი მიზანია სტუდენტს შესძინოს თეორიული და პრაქტიკული ცოდნა სამართლის ტექნოლოგიების დარგში, გამოუმუშავოს მათ სამართლის ტექნოლოგიების გამოყენების, მათი მეშვეობით სამართლის ნორმისა და პროცესების ვიზუალიზაციის, ლიცენზიების პროდუქტების შექმნის, სამართლის დიგიტალიზაციისა და ავტომატიზაციის სფეროში

არსებული ინოვაციების შექმნისა და გამოყენების უნარი.

ტრადიციულად გაგრძელდება თანამშრომლობა პერსონალურ მონაცემთა დაცვის სამსახურთან, პერსონალური მონაცემების დაცვის შესახებ ცნობილების ამაღლების მიზნით. მისი ცნობილდგანელების, ასოცირებული პროფესორის ლელა ჯანაშვილის ინიციატივით ჩატარდა და დაიგეგმა არაერთი შეხვედრა ამ მიმართულებით და ფაკულტეტი აქტიურად გააგრძელებს ამ თანამშრომლობას, რათა დაინტერესებულ მხარეებს მიეწოდოთ ინფორმაცია პერსონალური მონაცემების დაცვის შესახებ, გაიგონ ყველაფერი საკუთარ უფლებებზე და შეძლონ მათი დაცვა.

დაწყებულია ახლად შექმნილი სამეცნიერო — ქართულ-ინგლისურ-გერმანულენოვანი „საჯარო სამართლის ჟურნალის“ გამოცემისთვის მზადება, რომელიც ამ მიმართულებით პირველი დარგობრივი ჟურნალია და მისი მიზანია თანამედროვე, აქტუალურ თემატიკაზე — ევროკავშირთან ინტეგრაციის პროცესში ნაოქრობი სამართლებრივ სადავო თემებზე, მოსამართლეთა დამოუკიდებლობაზე და ა.შ. საზოგადოებისთვის კომპეტენტური სამეცნიერო აზრის მიწოდება. „საჯარო სამართლის ჟურნალი“ წელიწადში ორჯერ, როგორც ბეჭდური, ასევე, ელექტრონული სახით გამოქვეყნდება. ფაკულტეტის ინიციატივითა და სხვა უმაღლეს საგანმანათლებლო დაწესებულებებთან და კერძო სექტორთან თანამშრომლობით, პირველად, ქართულ იურიდიულ სამეცნიერო ბრუნვას შეემატება ასევე „სამედიცინო სამართლისა და მენეჯმენტის“ ჟურნალი. ჟურნალის კონცეფციისა და შემდგომი თანამშრომლობის საკითხებზე შედგა შეხვედრა დრეზდენის უმაღლესი სამხარეო სასამართლოს ყოფილ თავმჯდომარეს-



მე-5 მკ-დან

თან — ულრიხ ჰაგელოხისთან. საქართველოში სამედიცინო სამართალს, რომელიც ყველა განვითარებულ მართლწესრიგში სამართლის დამოუკიდებელ დარგს წამოადგენს, ჯერ კიდევ არ შეუძენია დასრულებული კონტურები და მხოლოდ ჩამოყალიბების პროცესშია. „სამედიცინო სამართლისა და მენეჯმენტის ჟურნალი“ ამ მიმართულებებით პროფესიულ ჯგუფებს შორის დიალოგისა და კოოპერაციისათვის საფუძვლის ჩაყრას ისახავს მიზნად. პირველ რიგში, ეს გულისხმობს სამედი-

ცინო სამართლისა და მენეჯმენტის პრობლემეტიკისადმი მიძღვნილი სამეცნიერო სტატიების შექმნას, კონკრეტული აქტუალური სამედიცინო-სამართლებრივი ქეისების დამუშავებას, სამედიცინო დანესებულებებისა და მედპერსონალისათვის უმაღლესი ხარისხის იურიდიული მომსახურების კონცეფციის შემუშავებას და ამ მიზნისადმი მიძღვნილ აკადემიურ სტატიათა ციკლის შექმნას. იურიდიული ფაკულტეტი ტრადიციულად თანამშრომლობს ჰარვარდის სამართლის სკოლასთან და, ამ თანამშრომლობის ფარგლებში, საკუთარ სტუდენტებს კვლავ სრულიად უფასოდ სთავაზობს ერ-

თობლივ სასერტიფიკატო კურსს საავტორო სამართალში. უნივერსიტეტი და ფაკულტეტი, ასევე, მუდმივად უნდა ზრუნავდეს პროფესორების მდგომარეობის გაუმჯობესებაზე. ერთი მხრივ, იურიდიული ფაკულტეტი ამაყობს საკუთარი აკადემიური გუნდით, და მართლაც, ამ ფაკულტეტზე აკადემიურ თანამდებობაზე არიან პროფესორები, რომლებიც ქმნიან ქართულ იურისპუდენციას. მეორე მხრივ, აუცილებელია, უნივერსიტეტმა და ფაკულტეტმა ერთობლივი თანამშრომლობით განახორციელონ ისეთი ცვლილებები, რაც ფაკულტეტს მისცემს შესაძლებლობას — ღირსეული

ანაზღაურება და სოციალური დაცვის გარანტიები შესთავაზოს საკუთარ პროფესორებს. ამ მიმართულებითაც, ერთობლივი ძალისხმევით, მთელი რიგი ნაბიჯების გადადგმა იგეგმება. დაბოლოს, უნივერსიტეტის ყველა პირველკურსელს ვულოცავ ცხოვრების ახალ ეტაპზე გადასვლას, განსაკუთრებით კი მინდა იურიდიული ფაკულტეტის ყველა პირველკურსელს მივულოცო კავკასიაში პირველი აკადემიური იურიდიული სკოლის სტუდენტობა. ვუსურვებ მათ წარმატებებს უნივერსიტეტისა და ქვეყნის საკეთილდღეოდ...

გვესაუბრება თსუ-ის მედიცინის ფაკულტეტის დეკანის მოადგილე

მაია ბინცინაშვილი

თბილისის სახელმწიფო უნივერსიტეტის მედიცინის ფაკულტეტისა და რესპუბლიკურ საავადმყოფოს შორის გაფორმებული მემორანდუმის საფუძველზე, 2024 წლიდან, თსუ-ის სტუდენტები (კლინიკური პრაქტიკული კომპონენტის გაძლიერების მიზნით) ამ კლინიკით სარგებლობას შეძლებენ.

მიმდინარე სემესტრიდან სრულად მოხდება ახლად აკრედიტებული მედიცინის პროგრამის იმპლემენტაცია 1-დან მე-5 კურსის ჩათვლით, რაც გულისხმობს როგორც სწავლების, ასევე, შეფასების ახალი მეთოდების აქტიურ დანერგვას.

მედიცინის ფაკულტეტს რესპუბლიკური საავადმყოფოს, დაახლოებით, 10 000 კვ.მ. ფართობი გადმოეცემა, სადაც ჩვენი კათედრების ნაწილი განთავსდება. ვინაიდან ფაკულტეტზე სტუდენტების რაოდენობა მზარდია და კლინიკური კომპონენტის მაღალი ხარისხით უზრუნველყოფის საკითხი, ზოგადად, პრობლემურია, მემორანდუმის ფარგლებში, ასეთი თანამშრომლობა საშუალებას მოგვცემს — სტუდენტებმა მეტი დრო გაატარონ კლინიკაში და პრაქტიკული უნარები გაიუმჯობესონ.

უკვე სრულდება მორფოლოგიის ინსტიტუტის სარემონტო სამუშაოები — ეზოს, ვივარიუმისა და, ასევე, საკონფერენციო დარბაზის კეთილმოწყობა.

სამედიცინო განათლებაში სწავლების უახლესი მეთოდოლოგიის დანერგვისა და სხვა სახელების ფაკულტეტზე ინტეგრირების მიზნით, ჩვენ ვაგრძელებთ ევროპის სამედიცინო ასოციაციის (AMEE) ტრენინგებში და კონფერენციებში მონაწილეობას.

ფაკულტეტი ყოველ წელს ავსებს წიგნად ფონდს, წელსაც შევიძინეთ მედიცინის მიმართულებით გამოცემული უახლესი ლიტერატურა, რომელიც უკვე ჩვენს ბიბლიოთეკაშია განთავსებული.

სამეცნიერო კვლევითი მიმართულებით ვაგრძელებთ ჟურნალ „კლინიკური და ტრანსლაციური მედიცინის“ გამოცემას, რაც ფაკულტეტის სტუდენტებსა და აკად-



ემიურ პერსონალს საკუთარი კვლევების გამოქვეყნებისა და ერთმანეთის ნაშრომების გაცნობის საშუალებას აძლევს.

ამ ეტაპზე, ერასმუს + (BACE) გრანტის ფარგლებში საზოგადოებრივი ჯანდაცვის მიმართულებით 6 სასწავლო კურსი მუშავდება, რომლებიც მაგისტრატურის საფეხურზე სავალდებულო, მედიცინის ერთსაფეხურიან პროგრამაზე კი არჩევითი საგნების სტატუსით ინტეგრირდება.

ამასთანავე, თსუ-ის მედიცინის ფაკულტეტი აგრძელებს აშშ-ის ეროვნული ინსტიტუტის მიერ დაფინანსებულ საერთაშორისო კვლევით პროექტს „შესაძლებლობების გაზრდა აღმოსავლეთ ევროპაში“, რომელიც, ძირითადად, ტრავმატიზმის პრევენციას ეხება და 2017 წლიდან მიმდინარეობს.

სასწავლო პროცესის ტექნიკური უზრუნველყოფის კუთხით ძალიან კარგი გამოცდილება მივიღეთ დისტანციური სწავლების პროცესში. გაბარტივდა სასწავლო მასალებზე ელექტრონულად წვდომა და ონლაინ კომუნიკაცია პროფესორასთან, რაც ახლაც ნარჩუნდება.



გვესაუბრება თსუ-ის ეკონომიკისა და ბიზნესის ფაკულტეტის დეკანი

გიორგი ლალანიძე

2022 წლის მისაღები კონტინგენტი ბაკალავრიატში რეკორდული იყო ფაკულტეტის ისტორიაში: ეკონომიკის მიმართულება — 500 ადგილი; ბიზნესის ადმინისტრირება — 700; ტურიზმი — 300. ყველა 1500 ადგილი ათვისებულია.

ეკონომიკისა და ბიზნესის ფაკულტეტის სასწავლო პროგრამებზე: „ეკონომიკის“, „ბიზნესის ადმინისტრირების“ და „ტურიზმის“ მიმართულებით ტრადიციულად მაღალია კონკურენცია. არსებულ ვითარებაში სწორი მმართველობითი განწყვეტილებების მიღებას სჭირდებოდა თსუ-ის ადმინისტრაციისა და ფაკულტეტის მხრიდან ღრმა და სისტემური ანალიზი, სათანადო პრაქტიკული ქმედებების განხორციელება.

ფაკულტეტი, ეტაპობრივად, ხარისხის უზრუნველყოფის სამსახურისა და პროგ-

რამის ხელმძღვანელების აქტიური მუშაობის შედეგად ახორციელებს საგანმანათლებლო პროგრამების სრულყოფას.

ფაკულტეტზე, საქართველოს ისტორიაში პირველად, 2022 წელს აკრედიტირებული იქნა ბიზნეს ადმინისტრირების ერთწლიანი პროგრამა. მეორე ასეთმა პროგრამამ გაიარა თსუ აკადემიური საბჭო 14 სექტემბერს. აღსანიშნავია, რომ ის შეიქმნა საქართველოს თავდაცვის სამინისტროსა და სსიპ თავდაცვის ინსტიტუტის ინიციატივით, რომლის მიზანია ერთად. წარმატებით ფუნქციონირებს ორმაგი ხარისხის საბაკალავრო პროგრამა ტურიზმში.

ფაკულტეტი გეგმავს რამოდენიმე ახალ სასწავლო პროგრამას საფრანგეთის, რუმინეთის, ლატვიის, გერმანიის ფედერაციული რესპუბლიკის და იტალიის უნივერსიტეტებთან.

აღსანიშნავია, რომ განახლდა ინფრასტრუქტურა, კერძოდ, გარემონტდა მე-2 სართულის ფსადი და მთლიანად მე-2 სართული.

გვესაუბრება თსუ-ის ჰუმანიტარულ მეცნიერებათა ფაკულტეტის დეკანი

ნანა ბაფრინდაშვილი

წელს ჰუმანიტარულ მეცნიერებათა ფაკულტეტმა ახალი სასწავლო წელი პირდაპირ სამუშაო ვითარებაში დაიწყო, რადგან, როგორც მოგეხსენებათ, საზეიმო მიღება ოქტომბრის დასაწყისშია დაგეგმილი და ამ დროისათვის პირველკურსელები უკვე მეტნაკლებად გარკვეული იქნებიან საუნივერსიტეტო ცხოვრების თავისებურებებში, მოასწრებენ ერთმანეთის გაცნობას და ვიქტრობ, უფრო ისიამოვნებენ და ბოლომდე შეიგრძნობენ იმ საზეიმო ატმოსფეროს, რომელსაც უნივერსიტეტის ადმინისტრაცია გეგმავს და გვაძირდება.

თამამად შემიძლია ვთქვა, რომ ეს ახალი სასწავლო წელი ნამდვილად განსხვავებულია, განსხვავებული, რადგან შექმნილი ეპიდემიოლოგიური სიტუაციიდან გამომდინარე უნივერსიტეტი და, შესაბამისად, ფაკულტეტიც თითქმის ორი წელი ონლაინ რეჟიმში მუშაობდა და ახლა მეტად მნიშვნელოვანია აღვადგინოთ საუნივერსიტეტო ცხოვრების ჩვეული რეჟიმი,

სტილი და რიტმი, რასაც, ერთი მხრივ, ასე მოუთმენლად ველოდით, მაგრამ, მეორე მხრივ, აღმოჩნდა, რომ ყოველივე ამას გარკვეული სირთულეებიც ახლავს თან. ამასთანავე ახალი სასწავლო წლის დადგომას ურთიერთსაინააღმდეგო გრძნობებიც ახლავს. ერთი მხრივ, რასაკვირველია, გვიხარია ახალი სასწავლო წლის დაწყება, მაგრამ, მეორე მხრივ, გამოცდილებით ვიცი, როგორი დამძლეული და დიდი ვა გვაქვს წინ. თუმცა, იმედა, როგორც ყოველთვის, მოტივაციას შევინარჩუნებთ და ძალა და ენერჯია გვეყოფა დასახული მიზნების მისაღწევად.

ბედნიერები ვართ, რომ უკვე სტუდენტებთან და პროფესორთა გაიგოს და ახმაურდა უნივერსიტეტის დერეფნები, ბიბლიოთეკები, აუდიტორიები. სტუდენტები მოიჩქარიან ცოდნის მისაღებად, პროფესორა კი მზადაა მათთვის ცოდნის გადასაცემად.

ვულოცავ ახალი სასწავლო წლის დაწყებას ყველა უნივერსიტეტელს, ჩვენს პროფესორებს, ჩვენს სტუდენტებს, ადმინისტრაციას, ყველას, ვინც უნივერსიტეტის გამართულ ფუნქციონირებას უზრუნველყოფს.

ტრადიციულად, განსაკუთრებით მინდა, სასწავლო წლის დაწყება მივულოცო ფაკულტეტის პირველკურსელებს და ე.წ. 1+4 პროგრამის სტუდენტებს. მინდა, რომ უნივერსიტეტმა გაამართლოს მათი იმედები და მათ კი გაამართლონ უნივერსიტეტის იმედები. ამავე დროს, მინდა, გავაფრთხილო ისინი, რომ უნივერსიტეტში სწავლა ადვილი არ არის, რომ ეს საკმაოდ მძიმე, დამძლეული ყოველდღიური შრომაა და ისინი მზად უნდა იყვნენ, რომ ბევრი იშრომონ, რათა თავიანთ მიზნებს მიაღწიონ, ოცნებები აისრულონ და საკუთარ თავს, ოჯახს, ჩვენს უნივერსიტეტსა და სამშობლოს გამოადგინონ.

ჰუმანიტარულ მეცნიერებათა ფაკულტეტი კვლავ ერთგული იქნება თავისი მიზნებისა და ამოცანების — შექმნას და გადასცეს ახალი ჰუმანიტარული ცოდნა, არც ტრადიციები დაივიწყოს და არც სიახლეებს ჩამორჩეს. ამის გარანტია ის უზარმაზარი ინტელექტუალური პოტენციალია, რომელიც თავმოყრილია ჰუმანიტარულ მეცნიერებათა ფაკულტეტზე ჩვენი პროფესორისა და მკვლევრების სახით.

ფაკულტეტს წელს მრავალი გამოწვევა აქვს, განსაკუთრებით მნიშვნელოვანია



ის, რომ მისი სამივე საფეხურის მრავალწლიანი საგანმანათლებლო პროგრამა აკრედიტაციის რეჟიმშია და ეს პროცესი 31 დეკემბრამდე უნდა დასრულდეს. იმედი მაქვს, რომ ჰუმანიტარულ მეცნიერებათა ფაკულტეტის პროგრამები წარმატებით გაივლიან აკრედიტაციის და ფაკულტეტი ახალ წელს აკრედიტებული პროგრამებით შეხვდება.





# სტუდენტური ფურცელი



## ტსუ-ში სივრცეების ხატილმოწყობის პროექტზე მუშაობა დაწყებულია

ტსუ-ის ადმინისტრაცია, ახალი ინფრასტრუქტურული პროექტის ფარგლებში, კორპუსების ეზოების კეთილმოწყობას იწყებს. კონკურსის შედეგად შეირჩა კომპანია, რომელმაც ეზოების კეთილმოწყობის პროექტები განახორციელა. რაც შეეხება უშუალოდ სამუშაოებს, ისინი ეტაპობრივად მომავალი წლიდან დაიწყება.

„ჩვენ გვაქვს ყველა სასწავლო კორპუსის ეზოების მოწყობის პროექტი. საუბარი შეეხება, პირველ რიგში, თსუ-ის პირველი კორპუსის მიმდებარე ხევის გარშემო არსებულ ტერიტორიას, რომელიც რეალურად, ამ ეტაპზე, აუთვისებელია. პროექტის თანახმად, ძალიან ლამაზი სივრცე გაჩნდება.“

ანალოგიური სივრცეები მოეწყობა ყველა იმ სასწავლო კორპუსთან, სადაც ამის საშუალება არის, მაგალითად, მე-10 კორპუსის (მალივი კორპუსის) შიდა თუ წინა ეზო, მე-11 კორპუსის (ბიოლოგების კორპუსის) მიმდებარე ტერიტორია, მე-სამე, მეხუთე, მეშვიდე და მეცხრე (ტურიზმის სკოლა) კორპუსებთან მდებარე სივრცეები, მედიცინის ფაკულტეტის კორპუსების გარე სივრცეები (ამჟამად მედიცინის ფაკულტეტის კორპუსების სრული რეაბილიტაცია მიმდინარეობს და ეზოს მოწყობაც ამ პროექტის შემადგენელი ნაწილია). ჩვენ მომავალი წლიდან ამ პროექტს ეტაპობრივად ვიწყებთ. ასე რომ, უნივერსიტეტს ექნება საკმაოდ მონერსიგებული სივრცეები როგორც სტუდენტებისთვის, ისე აკადემიური თუ ადმინისტრაციული პერსონალისთვის“, – აღნიშნა თსუ-ის ადმინისტრაციის ხელმძღვანელმა ლაშა სალინაძემ.

რაც შეეხება უშუალოდ სტუდენტური სივრცეების მოწყობის პროექტებს, ეს ტენდენცია გრძელდება.

სტუდენტური სივრცეები ყველა სასწავლო კორპუსში მოეწყობა. ახალი 2022-2023 წლიდან სტუდენტებისთვის პირვე-



„ჩვენ გვაქვს ყველა სასწავლო კორპუსის ეზოების მოწყობის პროექტი. საუბარი შეეხება, პირველ რიგში, თსუ-ის პირველი კორპუსის მიმდებარე ხევის გარშემო არსებულ ტერიტორიას, რომელიც რეალურად, ამ ეტაპზე, აუთვისებელია. პროექტის თანახმად, ძალიან ლამაზი სივრცე გაჩნდება.“

კომფორტი“, – ამბობს ადმინისტრაციის ხელმძღვანელი.

სწორედ განტვირთვისთვის და დაძაბულობის მოხსნის მიზნით რეაბილიტირება და საგამოცდო ცენტრის რიგი სივრცეები, სადაც დღემდე დამატებით მიმდინარეობს სხვა სივრცეების სარეაბილიტაციო სამუშაოები. ჩვენს სტუდენტებს, რომლებიც გამოცდების ჩასაბარებლად არცთუ სასიამოვნო გარემოში უწევდათ მისვლა საგამოცდო ცენტრში, ახლა გაუმჯობესებული ინფრასტრუქტურა დახვდებათ“, – აღნიშნა ლაშა სალინაძემ.

ლი კორპუსის ფოიე და დერეფნები შეივსო მოსაცდელი ავეჯით და გალამაზდა შიდა ინტერიერი. სტუდენტური სივრცეები მოეწყობა, ასევე, ცენტრალური ბიბლიოთეკის შენობაში, მეორე, მესამე, მეხუთე, მეექვსე, მეშვიდე, მერვე, მეცხრე (ტურიზმის სკოლა), მეათე (მალივი),

მეთერთმეტე (ბიოლოგების) და მედიცინის ფაკულტეტის კორპუსებში.

„უახლოეს პერიოდში დამატებით ინვენტარს ველოდებით, რომ სტუდენტური სივრცეები სრულად შეივსოს. ჩვენ ამ პროცესს გავაგრძელებთ, რათა ჩვენს სტუდენტებს შევუქმნათ მაქსიმალური



პროექტი



სტუდენტური სივრცე თსუ პირველი კორპუსის ფოიეში





# ღირსეული მამების ჯვალზე – შალვა წერეთლისა და დემეტრე აბესაძის სტუდენტობის პირველი წელი

თამარ ლალიანი

მაღალრეიტინგიანი პირველკურსელები — შალვა წერეთელი და დემეტრე აბესაძე თბილისის სახელმწიფო უნივერსიტეტში მოხვდნენ. ორივე ღირსეული მამის კვალს გაჰყვა: შალვა წერეთელი ცნობილი მეცნიერის, ეკონომიკის ინსტიტუტის ყოფილი დირექტორის, ღირსების ორდენის კავალერის, ეკონომიკის მეცნიერებათა დოქტორის, პროფესორ გიორგი წერეთლის შვილია, დემეტრე აბესაძე კი თსუ-ის პაატა გუგუშვილის სახელობის ეკონომიკის ინსტიტუტის დირექტორის, ეკონომიკის მეცნიერებათა დოქტორის, პროფესორ რამაზ აბესაძის ვაჟია.


შალვა წერეთელს ყველაზე დიდი ცოდნა და გამოცდილება კომაროვის სკოლაში მისცა. სწორედ ამ სკოლის დამსახურებაა, რომ ყოველგვარი მომზადების გარეშე მათემატიკის ეროვნულ გამოცდაზე უმაღლესი ქულა მიიღო: 51/51. ასევე მაქსიმალური შეფასება ჰქონდა ინგლისურში 80/80, ხოლო ქართულში — 59.67/60.

შალვამ არჩევანი ISET-ის საერთაშორისო სკოლაზე შეაჩერა. ეს სკოლა დიდი პოპულარობით სარგებლობს ახალგაზრდებში და ძალიან მოთხოვნადია. ISET-ში, რესპუბლიკის მასშტაბით, ყველაზე გამორჩეული და მაღალრეიტინგიანი სტუდენტები სწავლობენ. წელს ISET-ის საბაკალავრო პროგრამაზე 150 სტუდენტი მიიღეს საქართველოდან და 7 სტუდენტი

სხვა ქვეყნებიდან. უკვე ზედიზედ, მესამე წელია, ISET-ის ეკონომიკის საბაკალავრო პროგრამა N1-ია საქართველოს ყველა უნივერსიტეტის ბიზნესის, ეკონომიკის და ფინანსების პროგრამებს შორის, ერთიანი ეროვნული გამოცდების საკონკურსო ქულების მიხედვით. წელს საქართველოდან მიღებული 150 სტუდენტიდან 149 სტუდენტს სახელმწიფო გრანტი აქვს მიღებული. შალვა ამ სტუდენტებში გამორჩეულია — ეროვნულ გამოცდაზე მან ყველა საგანში უმაღლესი შეფასება მიიღო.

„მათემატიკა ბავშვობიდანვე გამორჩეულად მიყვარდა. მინდოდა, რომ ჩემი პროფესია მათემატიკასთან დაემკავშირებინა, ამიტომ ვიფიქრე, რომ სწავლას ეკონომიკის ან პროგრამირების მიმართულებით გავაგრძელებდი. საბოლოო გადანაცვლების მიღებაზე მაინც ოჯახური ტრადიციის გაგრძელების სურვილმა იმოქმედა. მამა ეკონომიკის მეცნიერებათა დოქტორი, პროფესორი იყო, შესაბამისად, მეც მისი გზა ავირჩიე“, — აცხადებს შალვა წერეთელი, რომელიც თვლის, რომ სწორი არჩევანი გააკეთა. პარალელურად პროგრამირებაშიც აპირებს ცოდნის გაღრმავებას, რადგან საკმაოდ საინტერესო სფეროდ მიაჩნია.

„მამა ოთხი წლის ასაკში გარდაემცვალა. ძირითადად, დედას მოუწია მთელი პასუხისმგებლობის თავის თავზე აღება და ვფიქრობ, ცოტა ზედმეტად განიცდიდა იმას, რომ „შესაძლებლობის მაქსიმუმს“ არ ვაკეთებდი. ამ დროს თვითონ



დემეტრე აბესაძე



შალვა წერეთელი

ნაც საკმაოდ გააზრებული მქონდა, რომ თუ რამეს არ შევასრულებდი, მხოლოდ საკუთარ თავს დავაზიანებდი. სტუდენტობისას შევეცდები კონცენტრირებული ვიყო საქმეზე, გავაკეთო მაქსიმუმი, რათა მომავალში ჩემს სფეროში წარმატებას მივალნიო“, — აღნიშნა შალვამ, რომელიც ფიქრობს, რომ ISET-ის სასწავლო პროცესი საკმაოდ საინტერესო, დატვირთული და სიახლეებით სავსე იქნება.

მაღალრეიტინგიანი პირველკურსელის სამომავლო გეგმები უცხოეთში სწავლის გაგრძელებას უკავშირდება. „პროფესიული ცოდნის გაღრმავება, დამოუკიდებლობა, უცხო ენის დონის გაუმჯობესება, განსხვავებული გამოცდილების და შეხედულებების მქონე ადამიანებთან შეხვედრა, ჩემი აზრით, პიროვნული და კარიერული განვითარებისთვის ძალიან მნიშვნელოვანია“, — აცხადებს შალვა, რომლის ყველაზე დიდი სურვილია მიღებული ცოდნა სამშობლოს კეთილდღეობას მოახმაროს.

რაც შეეხება ჩვენი სტატიის მეორე რჩეულს — დემეტრე აბესაძეს, სკოლაში მიღწეული მისი წარმატებების შესახებ მამისგან ხშირად ესმოდათ უნივერსიტეტის თანამშრომლებს. სხვადასხვა ოლიმპიადებზე და კონკურსებში გამარჯვებულს მუსიკალური ნიჭიც აქვს, თუმცა პროფესიულ ექიმობა აირჩია და თსუ-ის მედიცინის ფაკულტეტის სტუდენტი გახდა.

წელს თსუ-ის სამედიცინო ფაკულტეტზე დიდი კონკურსი იყო. დემეტრემ

ბრწყინვალედ ჩააბარა მისაღები გამოცდები და 100%-იანი სასწავლო გრანტი მოიპოვა. როგორც თავად ამბობს, ყველაფერს გააკეთებს, რომ პროფესიონალი ექიმი გახდეს. „სკოლაში სწავლის დროს განსაკუთრებით დაინტერესდი ბიოლოგიით. ბიოლოგიისა და მედიცინის უშუალო კავშირმა და შესაბამისმა მოტივაციამ განაპირობა ჩემი არჩევანი. ექიმებს ხომ ადამიანთა სიცოცხლე აბარია... ამიტომ სიღრმისეულად შევისწავლი ყველა საგანს, დამატებით გავეცნობი უახლეს ლიტერატურას, ავითვისებ პრაქტიკას, რათა მაღალი კვალიფიკაციის ექიმი გავხდე. დღეისათვის საქართველოში ახალი სამედიცინო ტექნოლოგიები და მკურნალობის ახალი მეთოდები ინერგება. ეს ტენდენცია მომავალშიც უნდა გაგრძელდეს. ბუნებრივია, უნდა ამაღლდეს ექიმთა კვალიფიკაციის დონეც. ვიმედოვნებ, რომ საქართველოში ეკონომიკის განვითარების კვალდაკვალ უფასო ჯანდაცვა ჩამოყალიბდება“, — ასე ფიქრობს მომავალი ექიმი დემეტრე აბესაძე, რომელიც დარწმუნებულია, რომ დედაუნივერსიტეტი მას სწავლების მაღალ სტანდარტებს შესთავაზებს. დემეტრემ იცის, რომ მიზნის მისაღწევად დიდი შრომაც საჭიროა.

შალვა და დემეტრე ბავშვობიდან მეგობრობენ, ერთმანეთის წარმატება უხარიათ და იმედა, უნივერსიტეტის კედლებშიც ისეთივე წარმატებით და ღირსეულად ივლიან, როგორც მათი მშობლები დადიოდნენ და დადიან...



სათუნა ბოკორიშვილის ნახატი

## სიახლე

## „თსუ ასისტენტი“ – ახალი პროექტი

თსუ-ში ახალი პროექტი „თსუ ასისტენტი“ დაიწყო. ასისტენტის მხარდაჭერა გულისხმობს — მიაწოდოს სტუდენტებს ყველა საჭირო ინფორმაცია სასწავლო, ადმინისტრაციული და სტუდენტური ცხოვრების მიმართულებით, ასევე, დაეხმაროს მათ საუნივერსიტეტო აქტივობებისას წამოჭრილი პრობლემების გადაჭრაში. პროექტს უნივერსიტეტის სტუდენტური სერვისებისა და კარიერული განვითარების ცენტრი ახორციელებს.

„ასისტენტი მოისმენს რა თქვენს საჭიროებებს, დაგეხმარებათ საკითხის გადანყვეტაში, თუკი ეს საკითხი შეეხება იქნება ცენტრთან და მის კომპეტენციასთან. იმ შემთხვევაში, თუ საკითხი შეეხება სხვა სამსახურს, გირჩენებთ სწორ გზას, თუ სად მიიღებთ პასუხებს“, — აცხადებს უნივერსიტეტის სტუდენტური სერვისებისა და კარიერული განვითარების ცენტრი.

თსუ-ის ასისტენტისგან კონსულტაციის მიღების სურვილის შემთხვევაში სტუდენტებმა სპეციალური ფორმა — <https://forms.gle/DAQFj2TSDKbc1TjMA> — უნდა შეავსონ. რეგისტრაციის შემდგომ განაცხადზე პასუხი, მაქსიმუმ, 3 დღის ვადაში იგზავნება. შეხვედრის ჩანიშვნა შესაძლებელია კვირის ნებისმიერ სამუშაო დღეს 12:00 სთ-ზე (ჭაჭაჭაძის 1. თსუ I კორპუსი. ჩაის სახლის შენობის მეორე სართული).

„ჩვენ არა მარტო კარიერული განვითარების, არამედ სტუდენტური სერვისების ცენტრი ვართ. შესაბამისად, მნიშვნელოვანია, რომ სტუდენტმა მისთვის საჭირო ინფორმაცია მიიღოს მაქსიმალურად მოკლე დროში, იცოდეს ამა თუ იმ პრობლემის წამოჭრის შემთხვევაში, ვის მიმართოს და როგორ მოიქცეს. ავიღეთ სამი სფერო — სასწავლო, ადმინისტრაციული და სტუდენტური ცხოვრების მიმართულება, რადგან სტუდენტების მხრიდან დასმული შეკითხვები სწორედ ამ თემებს ეხება. სასწავლო საკითხთან დაკავშირებით მივცემთ სწორ რეკომენდაციებს — როგორ დაგეგმოს პირადი აკადემიური კალენდარი, როგორ უნდა შეასრულოს კრედიტების მიღების გეგმა, რაც კვალი-

ფიკაციის მიღებისთვის სჭირდება. მივანდით ინფორმაციას აკადემიური თუ ადმინისტრაციული რეგისტრაციის სწორად წარმართვის თაობაზე და ა.შ. ჩვენი მიზანია ვუზიდავოთ მათ — შეაღონ სწორი კარი“, — განმარტა თსუ-ის სტუდენტური სერვისებისა და კარიერული განვითარების ცენტრის ხელმძღვანელმა გიორგი გრიგოლაშვილმა.





# ტსუ-ში ახალი სტუდენტური ჯგუფი — „სივრცე 037“ — დაფუძნდა

„სივრცე 037“ იურიდიული ფაკულტეტის სტუდენტებმა დააარსეს. მასში გაწევრიანებულია უნივერსიტეტის ყველა ფაკულტეტის სტუდენტი. დამფუძნებლები საგანმანათლებლო, კულტურული, სპორტული და საქველმოქმედო აქტივობების განხორციელებას გეგმავენ. კლუბის წევრების ორგანიზებით, ამ დროისთვის, უკვე მიმდინარეობს იურისტთა მინი საფეხბურთო ლიგის ფეხბურთი ეტაპები. ლიგაში 16 გუნდი მონაწილეობს. საფეხბურთო მატჩები ტსუ-ის პირველი კორპუსის ეზოში მდებარე სტადიონზე იმართება.

„სივრცე 037“ დაგეგმავს ტსუ-ის იურიდიული ფაკულტეტის სტუდენტებმა და მისი კარი ყველასთვის ღიაა. იდეა რამდენიმე სტუდენტს დაგვებადა, როდესაც 037 აუდიტორიაში ვისხედით ერთ-ერთი ივენთის დროს. მიზანი მარტივია — სტუდენტური ცხოვრება თავად სტუდენტებმა

უნდა შევქმნათ. უნივერსიტეტის ბიუჯეტიდან გამოყოფილია კონკრეტული თანხა სტუდენტური პროექტებისთვის, რომლის გამოყენებაც საკუთრივ იდეის რეალიზებისთვის ყველა სტუდენტს შეუძლია. ბევრმა ეს არ იცის.

ყველა კრეატიული და საინტერესო იდეის მქონე სტუდენტი მოვა სივრცე 037-ში, სადაც დახვედებიან უკვე გამოცდილი სტუდენტები და ერთად აქცევენ იდეას რეალურ პროექტად. ეს გააცოცხლებს სტუდენტურ მუხტს. დაგეგმილია უამრავი სპორტული, კულტურული, გასართობი და საგანმანათლებლო აქტივობა; იმპირიული პროცესები, კინორეჟინგები, საქველმოქმედო აქტივობები. ახალ წელს ვაპირებთ უსახლკარო ბავშვების დახმარებას. ვთანამშრომლობთ სისხლის ბანკთან და ჩვენი ორგანიზებით, საჭიროების შემთხვევაში, შევძლებთ უამრავი ადამიანის აქციაში ჩაბმას ფულადი დახმარების



ან დონორად ქცევის მიზნით. გვგეგმავთ სტუდენტურ დღეებსაც, რომელსაც თავიდან ბოლომდე პროგრამულად განვიხილავთ, გააფორმებენ, ორგანიზებას გაუწევენ ჩვენი მოხალისე სტუდენტები. ველოდებით და ვთანამშრომლობთ უკვე რამდენიმე სპონსორთან. სივრცე გამოჩნდება სოც ქსელებში.

მიზანი, გარდა ჩვენი დაგეგმილი პროექტების გავრცელებისა და სტუდენტების ინფორმირებისა, უნივერსიტეტის პიარი და პოპულარიზაციაა, რათა, სტუდენტური ცხოვრების კუთხით, ტსუ მომავალი სტუდენტებისთვის სასურველ და მიმზიდველ გარემოდ ვაქციოთ. დავეხმარებით ტსუ-ის სტუდენტებს თავიანთი სტარტაპების გარეკლამებაშიც. მოკლედ, გეგმები დიდია. ველოდებით ყველა სტუდენტს ჯანსაღი, კრეატიული, საინტერესო იდეით. აქვე მადლობა იურიდიულ ფაკულტეტს და მის დეკანს, რომელმაც ყველანაირი გარემო შევქმინა „სივრცე 037“-ის დაარსებისთვის და ფუნქციონირებისთვის და, ასევე, აკადემიურ პერსონალს, ტსუ-ის ადმინისტრაციას, რომელიც გვერდში უდგას კლუბს, — აღნიშნა იურიდიული ფაკულტეტის სტუდენტმა, „სივრცე 037“-ის ერთ-ერთმა დამფუძნებელმა საბა ბასილაძემ.

## არაბულ-ქართული ლექსიკონის შედგენაზე ტსუ-ის მაგისტრანტი მუშაობს

შარტხია ბაროშვილი

ლადო ზირაქაშვილი ტსუ-ის არაბისტიკის სამაგისტრო პროგრამის მეორე კურსის სტუდენტია. მას მიზნად აქვს დასახული, შეადგინოს დიდი არაბულ-ქართული ლექსიკონი და უფრო მეტიც — ამ სამუშაოს უდიდესი ნაწილი მას უკვე შესრულებული აქვს. ამ ასაკში არაბულ-ქართული ლექსიკონის შედგენა, მისი მხრიდან, მეტად გაბედული და ამბიციური ნაბიჯია. მან საქართველოში მიღებულ ცოდნას ეგვიპტეში და ქუვეითში შექმნილი გამოცდილებაც დაუმატა და ახლა შემართებით მუშაობს ამ დიდ პროექტზე.

გვესაუბრება მაგისტრანტი  
ლადო ზირაქაშვილი

ქართული არაბისტიკის სამეცნიერო სკოლა მდიდარია დარგისთვის ფუნდამენტური მნიშვნელობის ნაშრომებით, როგორც ენათმეცნიერებაში, ისე ისტორიასა და ლიტერატურაში. ქართული არაბისტიკის მესაძირკველემ, აკადემიკოსმა გიორგი წერეთელმა იმთავითვე განსაზღვრა სკოლის მაღალი საერთაშორისო სამეცნიერო სტანდარტი, რომელიც თაობების შემდეგაც უწყვეტად გრძელდება. ჩვენთან ხელშესახებად იგრძნობა ის ძლიერი ტრადიცია, რომელსაც დღეს ჩემი მასწავლებლები აგრძელებენ. ქართული არაბისტიკის სამეცნიერო საზოგადოება დღემდე ქმნის დარგისთვის საერთაშორისო სტანდარტების პროდუქტს.



მიუხედავად იმისა, რომ გასული საუკუნეებიდან მოყოლებული, არაბული ენათმეცნიერების თითქმის ყველა საკითხი ქართულ არაბისტიკაში ღრმად მუშავდება, ლექსიკოგრაფია მხოლოდ რამდენიმე ნაშრომით არის წარმოდგენილი.

პირველი არაბულ-ქართული ლექსიკონი 1951 წელს გიორგი წერეთელმა შეადგინა მისი ავტორობით გამოცემული არაბული ქრესტომათიისთვის. მიუხედავად იმისა, რომ ლექსიკონი მოცულობით მცირეა, მასში ზუსტად არის განსაზღვრული არაბულ-ქართული ლექსიკოგრაფიის ძირითადი პრინციპები. მას შემდეგ გიორგი წერეთლის შრომა, ამ მხრივ, წლების განმავლობაში არ გაგრძელებულა, ლექსიკონი არ შეესებოდა. 2005-2007 წლებში ნუნუ ბეროზაშვილის მიერ შედგენილი ქართულ-არაბული დიპლომატიური ლექსიკონითა და არაბულ-ქართული პოლიტიკურ-დიპლომატიური ლექსიკონით გაგრძელდა ნახევარ საუკუნეზე მეტი ხნით შეწყვეტილი საქმე. მიუხედავად იმისა, რომ ნუნუ ბეროზაშვილის ლექსიკონები დარგობრივია და მათი მოცულობაც არ არის დიდი,

### როგორ დაიწყო პროცესი?

ბაკალავრიატის მესამე კურსზე, 2018 წელს არაბულ ქვეყანაში სასწავლო მიზნით ხანმოკლე ყოფნამ კიდევ უფრო მაგრძობინა ლექსიკონის საჭიროება და სწორედ იქიდან დაბრუნებულმა ვცადე ამ საქმის დაწყება.

არაბული ენის სრულყოფილი კორპუსი

არაბულ-ქართული ლექსიკონის მიზანი, გარდა ჩვენი დაგეგმილი პროექტების გავრცელებისა და სტუდენტების ინფორმირებისა, უნივერსიტეტის პიარი და პოპულარიზაციაა, რათა, სტუდენტური ცხოვრების კუთხით, ტსუ მომავალი სტუდენტებისთვის სასურველ და მიმზიდველ გარემოდ ვაქციოთ. დავეხმარებით ტსუ-ის სტუდენტებს თავიანთი სტარტაპების გარეკლამებაშიც. მოკლედ, გეგმები დიდია. ველოდებით ყველა სტუდენტს ჯანსაღი, კრეატიული, საინტერესო იდეით. აქვე მადლობა იურიდიულ ფაკულტეტს და მის დეკანს, რომელმაც ყველანაირი გარემო შევქმინა „სივრცე 037“-ის დაარსებისთვის და ფუნქციონირებისთვის და, ასევე, აკადემიურ პერსონალს, ტსუ-ის ადმინისტრაციას, რომელიც გვერდში უდგას კლუბს, — აღნიშნა იურიდიული ფაკულტეტის სტუდენტმა, „სივრცე 037“-ის ერთ-ერთმა დამფუძნებელმა საბა ბასილაძემ.

ისინი მნიშვნელოვანი მონაპოვარია ქართული არაბისტიკისთვის, განსაკუთრებით იმ ფონზე, როცა საქართველოსა და არაბულ ქვეყნებს შორის დიპლომატიური ურთიერთობები დღითიდღე აქტიურდება. დიპლომატიური ლექსიკონების შემდგომ, 2011 წელს გამოიცა მია ანდრონიკაშვილის, ნინო ანთიძე-კახიანიასა და დარეჯან გარდავაძის ავტორობით შედგენილი ლექსიკონი თანამედროვე არაბული ენის სა-უნივერსიტეტო სახელმძღვანელოსთვის. ლექსიკონი თანამედროვე არაბული ენის სახელმძღვანელოს ლექსიკონს მოიცავს.

ამ ყველაფრის მიუხედავად, არ გვაქვს ფართო გამოყენების არაბულ-ქართული ლექსიკონი, რომელიც დარგით ღრმად დაინტერესებულ ადამიანს შესაძლებლობას მისცემს — სრულყოფილი აკადემიური ინფორმაცია მიიღოს არაბულ ლექსიკონთან მნიშვნელობების შესახებ. ამ დანაკლისს, პირველ რიგში, სტუდენტები გრძობენ, განსაკუთრებით, ბაკალავრიატის საფეხურზე. მიუხედავად იმისა, რომ არსებობს ევროპულ ენებზე შედგენილი არაბული ენის ფუნდამენტური ლექსიკონები, მათი გამოყენებაც გარკვეულ სირთულესთან არის დაკავშირებული. როგორც მე მი-

სის არარსებობის გამო, თავიდანვე ცხადი იყო, რომ არაბულ-ქართული ლექსიკონი უნდა დაჰყრდნობოდა იმ უმდიდრეს ლექსიკოგრაფიულ გამოცდილებას, რაც არაბული ენისთვის არსებობს, როგორც არაბული განმარტებითი, ისე თარგმნითი ლექსიკონების სახით. თავიდანვე რთული აღმოჩნდა უხვი არაბული ლექსიკონებიდან ისეთის შერჩევა, რომელიც საფუძვლად დაედებოდა არაბულ-ქართულ ლექსიკონს. საჭირო იყო ანბანთივზე დალაგებული ძირები და მათი ძირითადი მორფოლოგიური ფორმები, რომლებიც შექმნიდა ლექსიკონის ჩონჩხს და, შემდგომ ეტაპზე, ეს ჩონჩხი შეიცვებოდა სხვა მნიშვნელოვანი ლექსიკონების მონაცემებით. ასეთ საფუძვლად, პირველ რიგში, რა თქმა უნდა, მოიაზრებოდა არაბული განმარტებითი ლექსიკონებიდან ერთ-ერთი, მაგრამ ეს პრაქტიკული თვალსაზრისით მოუხერხებელი აღმოჩნდა. მკითხველისთვის რომ გასაგებოდა იყოს, როგორც განმარტებითი, ისე — თარგმნითი არაბულ ლექსიკონებს ლექსიკონთან დალაგების სხვადასხვა პრინციპი აქვთ. ეს პრინციპი არაბული განმარტებითი ლექსიკონებისთვის ისტორიულადაც განსხვავებული იყო. ერთადერთი პრინციპი, რაც არაბული ლექსიკონების უმრავლესობას აერთიანებს, ის არის, რომ ლექსიკონები ძირების მიხედვით არის დალაგებული, თუმცა, ბოლო დროს, არსებობს ანბანზე დალაგებული ლექსიკონებიც (მაგ. არაბულ-თურქული ლექსიკონი). ძირის პრინციპთან ერთად, თანამედროვე არაბული ლექსიკონისთვის ყველაზე ეფექტური სახეა მისი ბუდეების სტრუქტურით დალაგება. ბუდეების სტრუქტურა გულისხმობს იმას, რომ ერთი ძირის მორფოლოგიური ფორმები — ზმნები და სახელები — ბუდის ორ ნაწილს ქმნიან. ბუდის პირველ ნაწილში მოცემულია შესაბამისი ძირის ზმნური ფორმები, რომლებიც პირველიდან მეოთხემდე თემამდე მიმდევრობით არის დალაგებული, ხოლო ბუდის მეორე ნაწილში წარმოდგენილია სახელური ფორმები, რომლებიც ანბანთივით მიხედვითაა დალაგებული. არაბულ განმარტებითი ლექსიკონებში, მიუხედავად იმისა, რომ ისინი ძირების მიხედვითაა დალაგებული, ძირის ქვეშ მოცემული ლექსიკონები არ არის განაწილებული ბუდეების სისტემაზე. ცხადი გახდა, რომ დასაწყის ეტაპზე, არაბული განმარტებითი ლექსიკონის საფუძვლად ალბათ, ძირის ზმნათა და სახელთა ფორმების ამორჩევა და მათი ბუდეებზე განწყობა ბევრ დამატებით დროს ნაიღებდა, სწორედ ამიტომ არაბულ-ქართული ლექსიკონის საფუძველი უნდა ყოფილიყო ბუდეების სისტემაზე განლაგებული არაბული თარგმნითი ლექსიკონი. ასეთი ლექსიკონი აღმოჩნდა ბარანოვის დიდი არაბულ-რუსული ლექსიკონი, რომელიც ერთ-ერთ სრულყოფილ თარგმნით ლექსიკონად ითვლება თანამედროვე სა-

ლიტერატურო არაბული ენისთვის. არაბული ენის ლექსიკონების უმრავლესობა არაბული ენის განვითარების რომელსამე ეტაპზე აკეთებს აქცენტს და მის მნიშვნელობებს აღწერს. არაბულ-ევროპული ლექსიკოგრაფიის კლასიკად აღიარებული ლექსიკონები, მაგალითად, ლეინის არაბულ-ინგლისური ლექსიკონი, კაზიმირსკის არაბულ-ფრანგული ლექსიკონი და სხვა, ძირითადად, ისლამმდელი და კლასიკური არაბული ტექსტების ლექსიკაზეა ორიენტირებული და მათ მნიშვნელობებს გადმოსცემს. მოგვიანო ხანის ევროპული ლექსიკონები (ვერის არაბულ-ინგლისური ლექსიკონი, ბარანოვის არაბულ-რუსული ლექსიკონი და სხვა) კი თანამედროვე სალიტერატურო არაბული მნიშვნელობების გადმოცემით შემოიფარგლება, ასევე, თანამედროვე ლექსიკონებში ადვილს იკავებს სასაუბრო ენისთვის დამახასიათებელი ლექსიკა და მნიშვნელობები.

არაბულ-ქართული ლექსიკონის მიზანი თავიდანვე შემდეგნაირად განისაზღვრა: ამ ლექსიკონში გათვალისწინებული უნდა ყოფილიყო არაბულ-ევროპული ლექსიკოგრაფიის მნიშვნელოვანი მონაპოვარი, როგორც არაბული კლასიკურ ძეგლებზე ორიენტირებული ლექსიკონების მონაცემები, ისე თანამედროვე არაბულ-ევროპულ ლექსიკონებში გადმოცემული მნიშვნელობები. დასაწყისიდანვე ნათელი იყო, რომ არაბულ-ქართული ლექსიკონი არ უნდა ყოფილიყო რომელიმე ერთი არაბული განმარტებითი ან თარგმნითი ლექსიკონის ზუსტი ასლი ქართულ ენაზე, სწორედ ამიტომ, ლექსიკონის შედგენის მეორე ეტაპი გულისხმობს, არაბული ენის გარდა, 4 ენაზე (ინგლისური, რუსული, ფრანგული, თურქული) შედგენილი თარგმნითი ლექსიკონების ინფორმაციის გათვალისწინებას.

უნდა აღინიშნოს, რომ ლექსიკონში მნიშვნელოვანად არის წარმოდგენილი ტექნიკური, პოლიტიკური, დიპლომატიური და სხვა სახის ტერმინოლოგია, რაც თანამედროვე სამყაროსთვის აქტუალურია. დღეს, როცა მანქანური თარგმანის დახვეწა სწორედ პარალელური კორპუსებისა და ზუსტი ლექსიკონების საფუძველზე ხდება, სრულყოფილი ლექსიკონის აუცილებლობაზე საუბარი, ვფიქრობ, სრულიად ზედმეტია. არაბულ-ქართული ლექსიკონის უმთავრესი სამიზნეა სტუდენტი, რომელიც არაბულ ენას სწავლობს. ამასთან ერთად, აღნიშნული ლექსიკონი, მჯერა, დახმარებას გაუწევს დარგით დაინტერესებულ მეცნიერებს, მომიჯნავე სფეროს წარმომადგენლებს, ასევე, მეტად გააადვილებს თარგმნის პროცესს.

ამ დროისთვის ლექსიკონზე მუშაობის პირველი ეტაპი დასრულებულია, მეორე ეტაპზე მუშაობა კი აქტიურად მიმდინარეობს.







# სტუდენტური ფურცელი



8 ოქტომბერს თბილისის სახელმწიფო უნივერსიტეტის სტუდენტებისთვის TSU Welcome Party 2022 მოეწყო.

სალამოს მუსიკალურად აფორმებდნენ ჯგუფი „მგზავრები“; Stefan Biniak; 4D Lobsters; Monk; Guri De Sal.

„თქვენ გახდით ყველაზე მაგარი უნივერსიტეტის სტუდენტები. ერთხელ უნივერსიტეტელი ყოველთვის უნივერსიტეტელია. გილოცავთ!“ - ამ სიტყვებით მიმართა გიორგი შარვაშიძემ სტუდენტებს ახალი სასწავლო წლის დაწყების აღსანიშნავ ღონისძიებაზე, რომელსაც 14 000-მდე სტუდენტი დაესწრო.



## სტაჟირების ჯურსი სტუდენტებისთვის!

ყოვალ სამსახური ერთხელ ცხადდება სტაჟირების ჯურსი - ჟურნალისტიკა და პრაქტიკა ჯურსს უძღვება თსუ ჰუმანიტარული და ალექსრონული მედიის ცენტრის ხელმძღვანელი, გახათ „თბილისის უნივერსიტეტის“ რედაქტორი, ჟურნალისტი ნინო ხაჩულია ჯურსი მოიცავს ჟურნალისტიკაში (პრესისა და ტელევიზიის მიმართულებით) დახელოვნებისთვის თეორიულ (ონლაინ) და პრაქტიკულ მეცადინეობებს.

გაიცავს სტაჟირების გავლის დამატებითი მოწოდება დაინტერესებულმა სტუდენტებმა მოგვარათ გახათ „თბილისის უნივერსიტეტის“ რედაქციას (თსუ, მე-3 ხორჯუსი, მე-3 სართული, 307 ოთახი).





# საშიდა გეოლოგიური და ჰიდრომეტეოროლოგიური მოვლენების პრევენციისათვის გეოგრაფიული საინფორმაციო სისტემა შეიქმნა

გზები აუცილებელია საზოგადოებრივი სასიცოცხლო ფუნქციების შენარჩუნებისათვის. ბუნებრივი კატასტროფების მიერ გზების დაზიანებას და განადგურებას უარყოფითი გავლენა შეუძლია იქონიოს მოქალაქეების კეთილდღეობაზე. კლიმატის გლობალური ცვლილების პირობებში მნიშვნელოვნად მატულობს ამინდისა და კლიმატის ექსტრემალური მოვლენების სიხშირე და ინტენსივობა: დიდთოვლობა, ნისლი, ზვავი, ქარიშხალი, თავსხმა წვიმა, სეტყვა და ა.შ., რაც, გეოლოგიურ მოვლენებთან ერთად, საავტომობილო გზებზე საგანგებო სიტუაციებს ქმნის და მოძრაობას აფერხებს. ხშირად რამდენიმე საათიდან დაწყებული, მთელი ზამთრით დამთავრებული, გზები იკეტება და სოფლები და დასახლებული პუნქტები მოწყვეტილი და იზოლირებული რჩება, ამიტომ საქართველოს საზღვრისპირა რეგიონებთან დამაკავშირებელ საავტომობილო გზებზე საშიში გეოლოგიური და ჰიდრომეტეოროლოგიური მოვლენების შესწავლა და გზების კლასიფიკაცია/დარაიონება ამ მოვლენების მიხედვით მეტად მნიშვნელოვანია სახელმწიფოსათვის, საზოგადოებისათვისა და მეცნიერებისათვის.

2022 წლის სექტემბრის თვეში დასრულდა შოთა რუსთაველის საქართველოს ეროვნული სამეცნიერო ფონდის საქართველოს საზღვრისპირა რეგიონების შემსწავლელი სამეცნიერო კვლევითი პროექტების ხელშეწყობისა და საერთაშორისო სამეცნიერო ღონისძიებების საგრანტო კონკურსში (ლოტი I) გამარჯვებული პროექტი: „ცენტრალურ კავკასიონზე მდებარე საზღვრისპირა დასახლებებთან დამაკავშირებელი საავტომობილო გზების (თბილისი-გუდაური-ლარსი და თბილისი-ჟინვალის-შატილი) კლასიფიკაცია/დარაიონება საშიში ბუნებრივი მოვლენების თვალსაზრისით და მისი გეოგრაფიული საინფორმაციო სისტემის შექმნა“.

პროექტის ფარგლებში, კამერალური და საველე კვლევების შედეგად, შესწავლილია ცენტრალურ კავკასიონზე თბილისი-გუდაური-ლარსის და თბილისი-ჟინვალის-შატილის საავტომობილო გზებზე საგანგებო სიტუაციების წარმოქმნელი საშიში გეოლოგიური (მენყერი, ღვარცოფი, კლდეზვავი — ქვათაცვენა, მდინარის ნაპირის გარეცხვა და სხვ.) და ჰიდრომეტეოროლოგიური (უხვი ნალექები, ნისლი, ძლიერი ქარი, ქარბუქი, თოვლის ზვავი, წყალდიდობა და სხვ.) მოვლენები. ორივე მიმართულებით მიმავალი გზა უკავშირდება კავკასიონის ჩრდილო ფერდობებზე განლაგებულ საქართველოს ისტორიულ-ეთნოგრაფიულ პრეინციებს, რომლებიც იზოლირებულია მაღალი წყალგამყოფი ქედით (კავკასიონის მთავარი ქედი) და მათთან პირდაპირი სატრანსპორტო კომუნიკაცია ამ ეტაპზე შესაძლებელია მხოლოდ მაღალი უღელტეხილების მეშვეობით: ჯვრის უღელტეხილისა (2379 მ; ყაზბეგის მუნიციპალიტეტი) და დათვისჯვრის უღელტეხილის (2676 მ; დუშეთის მუნიციპალიტეტი) გავლით.

პროექტის ფარგლებში ჩატარებულია რეგიონის და საავტომობილო გზების კლასიფიკაცია/დარაიონება საშიში ბუნებრივი მოვლენების თვალსაზრისით. შედგენილია საავტომობილო გზების დერეფნების და მიმდებარე ტერიტორიების ზონირების (დარაიონება) რუკები, სადაც გზების მონაკვეთები კლასიფიკირებულია გეოლოგიური და ჰიდრომეტეოროლოგიური საფრთხეების მიხედვით, ასევე გაანალიზებულია ის საადაპტაციო ღონისძიებები, რომელთა დროულმა გატარებამ გრძელვადიან პერსპექტივაში უნდა უზრუნველყოს ინფრასტრუქტურული ობიექტების მდგრადი ფუნქციონირება.

კვლევის შედეგები მნიშვნელოვანია არამარტო საბუნებისმეტყველო დარგში მოღვაწე მკვლევრებისთვის, არამედ მათ დიდი პრაქტიკული მნიშვნელობა აქვთ



სავტომობილო გზების განვითარების გეგმის შემუშავებისას, ცალკეული სიტუაციების სიმულაციისათვის, საგანგებო სიტუაციებში სწრაფი რეაგირებისათვის, ტურიზმის გაფართოებისათვის და სხვა. აქედან გამომდინარე, კვლევის შედეგები საინტერესოა როგორც სხვადასხვა უნივერსიტეტისა და კვლევითი ინსტიტუტებისთვის, ასევე რეგიონული განვითარებისა და ინფრასტრუქტურის სამინისტროს, საგანგებო სიტუაციების მართვის სააგენტოს, საქართველოს გარემოს დაცვისა და სოფლის მეურნეობის სამინისტროს, შინაგან საქმეთა სამინისტროს, თავდაცვის სამინისტროს, სახელმწიფო უსაფრთხოების სამსახურის და სხვა ორგანოებისთვის.

პროექტის შედეგების მიხედვით, ქართულ და ინგლისურ ენებზე გამოიცა მონოგრაფია: „საშიში გეოლოგიური და ჰიდრომეტეოროლოგიური მოვლენები ცენტრალური კავკასიონის საზღვრის-

პირა რეგიონებში — ყაზბეგი, დუშეთი, თიანეთი და მცხეთა“ (ავტორები: მარიამ ელიზბარაშვილი, გიორგი გაფრინდაშვილი, ელიზბარ ელიზბარაშვილი, გიორგი დვალაშვილი, ნინო ჩხირაძე, თამარ ხუნწელია, ზურაბ რიკაძე).

პროექტის ხელმძღვანელი გახლდათ თსუ-ის ასოცირებული პროფესორი, გეოგრაფიის მეცნიერებათა დოქტორი მარიამ ელიზბარაშვილი, კოორდინატორი — გეოგრაფიის აკადემიური დოქტორი გიორგი გაფრინდაშვილი. პროექტის განხორციელებაში მონაწილეობდნენ გეოგრაფიის მეცნიერებათა დოქტორი ელიზბარ ელიზბარაშვილი, გეოგრაფიის აკადემიური დოქტორი, თსუ-ის ასისტენტ პროფესორი გიორგი დვალაშვილი, გეოგრაფიის მაგისტრი ნინო ჩხირაძე, თსუ-ის დოქტორანტები: ზურაბ რიკაძე, თამარ ხუნწელია და თსუ-ის სტუდენტი: ირაკლი ელიზბარაშვილი.

## „DAMAST“-ის შედეგები და რეგიონული ავტონომიის სართავის ცენტრის შექმნის პრეპარატივი საქართველოში

ნატო ობოლადი

ენგურჰესზე განხორციელებულმა დაკვირვებებმა, რომელიც ხმელეთიდან, წყლიდან და ასევე კოსმოსიდან უწყვეტ რეჟიმში მიმდინარეობს, აჩვენა, რომ კავკასიაში ყველაზე მაღალი კაშხალი, რომელიც ქვეყნის ენერგომომარაგების 40%-ს შეადგენს, დაახლოებით, 30 წელიწადში ფუნქციონირებას ვეღარ შეძლებს. შესაბამისად, აუცილებელია ენგურჰესის რეაბილიტაციის გეგმის შემუშავება, რაც კაშხალს სიცოცხლისუნარიანობას გაუზარდობს — ამის თაობაზე ქართველმა და გერმანელმა გეოფიზიკოსებმა სამეცნიერო კვლევითი პროექტის — „DAMAST“-ის შედეგების შეჯამებისას ისაუბრეს.

საერთაშორისო სამეცნიერო კონფერენცია — „მონიტორინგი მაღალი კაშხლის სიცოცხლისუნარიანობის განხორციელებისთვის: წყლისა და ელექტროენერჯის საიმედო მიწოდება დეკარბონიზაციისათვის“, რომელიც თბილისის სახელმწიფო უნივერსიტეტში გაიხსნა, სამეცნიერო მოხსენებების მოსმენა-შეფასებას და ელზე ჩატარებული სამუშაოების დათვალიერებას — კონკრეტულად, ენგურჰესის მიმდებარე ტერიტორიაზე დამონტაჟებული უახლესი სეისმური და გეოდეზიური ტექნი-

კის სამუშაო პროცესში შეფასებას ითვალისწინებდა.

გერმანიის განათლებისა და მეცნიერების ფედერალურმა სამინისტრომ DAMAST-ის ფარგლებში 3 პროექტი დააფინანსა. სამივე პროექტის საერთო ბიუჯეტი 7.5 მლნ. ევროზე მეტს შეადგენს:

- DAMAST – მონიტორინგის ტექნოლოგია ჰიდროელექტროსადგურების უსაფრთხო და ეფექტიანი მუშაობისთვის 2019 – 2022;
- DAMAST – transfer სეისმური მონიტორინგი ჭაბურღის ხეობის უსაფრთხოებისთვის 2022 – 2024;
- DAAD-SDG/Caucasus-SDG(sustainable development goal) თსუ-სა და სტუ-ს სტუდენტებისა და ახალგაზრდა მეცნიერების გაცვლითი პროგრამები დედამიწის შემსწავლელი მეცნიერებებისთვის 2022 – 2025.

კვლევების პროცესში ჩართულია საქართველოდან 2 უმაღლესი სასწავლებლის სამეცნიერო კვლევითი ინსტიტუტები — თბილისის სახელმწიფო უნივერსიტეტისა და საქართველოს ტექნიკური უნივერსიტეტის მკვლევრების წარმომადგენლობით, ხოლო პირველ ორ პროექტში სომხეთიც მონაწილეობდა.

პროექტი „DAMAST“ ბოლო 5 წელია ხორციელდება. ამ დროის განმავლობაში მეცნიერებმა ჰიდროელექტროსადგურების უსაფრთხო და ეფექტიანი მუშაობისთვის მონიტორინგის უახლესი

სისტემა შეიმუშავეს.

„ენგურჰესის ტერიტორიაზე არსებული სეისმური აქტივობა უკვე გამოიკვეთა. კვლევებმა აჩვენა — კაშხალს ორი აქტიური რღვევა კვეთს. ლოკალურად განთავსებულმა ქსელმა ბოლო 20 თვის მანძილზე 320 მცირე მიწისძვრა დააფიქსირა ენგურჰესის ირგვლივ 30 კმ რადიუსში, რაც ძალიან მნიშვნელოვანია, რადგან სამომავლო სურათის პროგნოზირების საშუალებას გვაძლევს. უფრო დეტალური სურათის მისაღებად საჭიროა დაკვირვების მეტი დრო, ამიტომაც სეისმური მონიტორინგი გაგრძელდება.“

ამ ეტაპზე, პარალელურად მიმდინარეობს გეოდეზიური კვლევებიც. ლოკალური ტექტონიკური გადაადგილებების შესახებ ინფორმაციის მისაღებად დამატებით მინიმუმ 2-3 წელია საჭირო. მხოლოდ ამის შემდეგ შევძლებთ სეისმური რისკის ზუსტ მოდელირებას.

ჩატარდა ჯვრის წყალსაცავის დეტალური კვლევა, რომლის შედეგადაც გამოიკვეთა ადგილები, სადაც დალექილი სედიმენტის მოცულობა ძალიან დიდია. ასევე გაითვალა მათი გადაადგილების სიჩქარე კაშხლის კედლისკენ. კვლევებში არ არის გათვალისწინებული კლიმატის ცვლილება. მიღებული შედეგებით, ენგურჰესის სიცოცხლისუნარიანობის ვადა საშუალოდ 30 წელია, კერძოდ ექსპლუატაციის დარჩენილი ვადა მინიმუმ 28 და მაქსიმუმ 32 წლით განისაზღვრა“,

— განმარტა თსუ-ის გეოფიზიკის ინსტიტუტის სეისმოლოგმა ნინო წერეთელმა.

პროექტი „DAMAST“-ის მიზნობრივი დანიშნულება მხოლოდ ერთი კაშხლის შესწავლა-მონიტორინგით არ შემოიფარგლება. DAMAST-Transfer-ის პროექტის ფარგლებში, რომელიც „DAMAST“-ის გაგრძელებაა და ამჟამად მიმდინარეობს, მდინარე ნენსკრას (სადაც კავკასიაში ერთ-ერთი დიდი კაშხლის აშენება იგეგმება) მიმდებარე ტერიტორიაზე, მიმდინარე წლის ზაფხულში, 5 სეისმური ლოკალური სადგური დამონტაჟდა. მიღებული სეისმური დეტალური სურათი უნიკალური მასალა იქნება მომავალში ჰესის უსაფრთხო მშენებლობისთვის. ნენსკრა მდინარე ენგურის მარჯვენა შენაკადია და აქ დამონტაჟებული სადგურები მეტ მონაცემებს მისცემს მეცნიერებს, რომ კიდევ უფრო ზუსტად დაადგინონ ენგურჰესისა და ჭაბურღის მიდამოებში ლოკალური აქტიური სტრუქტურები.

ზოგადად, ნაციონალურ და საერთაშორისო სეისმურ ქსელთან შედარებით, ენგურჰესისა და ნენსკრას ხეობაში განთავსებული ლოკალური სეისმური ქსელი მეცნიერებს ბევრად უფრო ვრცელ და საფუძვლიან ინფორმაციას აძლევს რეგიონის სეისმოაქტივობისა და ლოკა-





ა-11 გვლან

ლური ტექტონიკური პროცესის შესახებ. ფაქტობრივად, ეს არის ახალი მონაცემები რეგიონის შესახებ, რაც აქამდე არ დაკვირვებულა.

„ლოკალური სეისმური ქსელის განვითარება მანამდე, სანამ კაშხლის აშენება დაიწყება, ძალიან მნიშვნელოვანია, რადგან უკვე გვეცოდინება ლოკალური აქტიური სტრუქტურები, მათი ბუნება. DAMAST-Transfer-ის ფარგლებში გადაწყდა წინასწარი დაკვირვება გაგვეკეთებინა მდინარე ნენსკრას ხეობაში, სადაც მომავალში მაღალი კაშხლის აშენება იგეგმება. თუმცა იმ შემთხვევაშიც კი, თუ შესი არ აშენდა, მიღებული ცოდნა ლოკალურ სეისმობრუნებაზე მნიშვნელოვანია ქუბურის თემის უსაფრთხოებისთვის, რადგან ეს რაიონი მენყერსაშიში ზონებით ხასიათდება, რომლის ინიცირებას ზოგჯერ მინისძვრაც იწვევს“, — ამბობს თსუ-ის გეოფიზიკის ინსტიტუტის სეისმოლოგიის, სეისმური სამიშროებისა და რისკის სექტორის ხელმძღვანელი ნინო წერეთელი.

საერთაშორისო კვლევითი ცენტრის ჩამოყალიბების პარასპექტივა

საქართველოში არსებული ჰიდრორესურსების პოტენციალიდან გამომდინარე და პროექტების ფარგლებში ჩატარებული კვლევების საფუძველზე, აქტიურად განხილვება საქართველოში საერთაშორისო ცენტრის ჩამოყალიბება, რომელიც ენგურჰესის მაგალითზე მიღებულ შედეგებს, წყალსაცავში მიმდინარე პროცესებისა და უსაფრთხოების შესაბამის პარამეტრებს, ასევე, შემუშავებულ მონიტორინგული სისტემების კონცეფციას მსგავს პირობებში არსებულ სხვა კაშხლებსაც მოარგებს. გარდა ამისა, ცენტრი გააერთიანებს კლიმატის ცვლილებისა და ენერგეტიკული უსაფრთხოების საკითხების კვლევების სხვადასხვა მიმართულებებს.

საერთაშორისო კვლევითი ცენტრის ჩამოყალიბების პერსპექტივა პირდაპირ კავშირშია გერმანულ მხარესთან თანამშრომლობის სტაბილურობაზე. პროექტში ჩართული მეცნიერები ამბობენ, რომ საერთაშორისო სამეცნიერო კონფერენციებზე თბილისის სახელმწიფო უნივერსიტეტის ადმინისტრაციისა და საქართველოს სამთავრობო სტრუქტურების წარმომადგენლების მხრიდან გამოხატულმა მხარდაჭერამ აღნიშნული სტაბილურობისთვის პირველი ნაბიჯი გადადგა.

„ეს პროექტი ჩვენი ქვეყნისთვის სტრატეგიული მნიშვნელობისაა. ენგურჰესის მონიტორინგის შედეგები არ არის ოპტიმისტური და საქართველომ უნდა იფიქროს ენერგოუსაფრთხოებისა და ენერგოდამოუკიდებლობის საკითხებზე. დარწმუნებული ვარ, რომ „DAMAST“-ის პროექტები ჩვენი ქვეყნისა და მთლიანად კავკასიის რეგიონის მდგრადი და სტრატეგიული ენერგოგანვითარების საშუალებას მოგვცემს“, — განაცხადა თბილისის სახელმწიფო უნივერსიტეტის რექტორმა გიორგი შარვაშიძემ.

„კარგად ვიცით — თუ რა მნიშვნელობა აქვს ჰესების სექტორის განვითარებას საქართველოს ენერგომომარაგებისთვის. „DAMAST“-ის პროექტის კვლევებით ჩვენ უფრო კარგად შეგვიძლია დავინახოთ, რა პრობლემები არსებობს და როგორ შეიძლება მათი გადაჭრა. ეს ყველაფერი საჭიროა მომავალი თაობებისთვის და რეგიონული საერთაშორისო კვლევითი ცენტრი მნიშვნელოვანი იქნება არა მარტო ჩვენი ქვეყნისთვის, არამედ მთლიანად კავკასიის რეგიონისთვის“, — განაცხადა ეკონომიკისა და მდგრადი განვითარების სამინისტროს ენერგეტიკული პოლიტიკისა და საინვესტიციო პროექტების დეპარტამენტის ხელმძღვანელმა თორნიკე ყაზარაშვილმა.

საქართველოსთან მჭიდრო თანამშრომლობის ინტარესები

მტკნარი წყლის მართვისა და საზოგადოებისთვის სუფთა, მდგრადი და



ენგურჰესზე განხორციელებულმა დაპირვაება, რომელიც ხელაქტივად, წყლიდან და ასევე ჰოსმოსიდან უწყვეტ რაჟიში მიმდინარეობს, აჩვენა, რომ ახასიათებელია მაღალი ხარისხი, რომელიც ქვეყნის ენერგომომარაგების 40%-ს შეადგენს, დაახლოებით, 30 წლიან ვადით ფინანსირებას ვალდებულნი ვართ. შესაბამისად, აუცილებელია ენგურჰესის რეაბილიტაციის გეგმის შემუშავება, რაც ახსნის სიცოცხლისუნარიანობას გაუხანგრძლივებს — ამის თაობაზე ქართულმა და გერმანულმა გეოფიზიკოსებმა სამეცნიერო ჰელპინით პროექტის — „DAMAST“-ის შედეგების შეჯამებისას ისაუბრეს.



ნინო წერეთელი



ხელმისაწვდომი ელექტროენერჯის მიწოდების საკითხში საქართველოსთან მჭიდრო თანამშრომლობის საკუთარ ინტერესებზე ისაუბრეს გერმანიის განათლებისა და მეცნიერების ფედერალური სამინისტროს დელეგაციის წარმომადგენლებმა და საქართველოში გერმანიის ელჩმა პიტერ ფიშერმა.

„DAMAST“-ის პროექტი გერმანიისთვის საინჟინრო მეცნიერული თვალსაზრისით ძალიან მნიშვნელოვანია. პროექტის ფარგლებში განხორციელებული კვლევები ერთმანეთს ავსებდა და საერთო სარგებელს ქმნიდა. პროექტი პასუხობს ჩვენი სამინისტროსა და, ზოგადად, ევროპის ინტერესებს საქართველოში. თქვენს ქვეყანასთან მეგობრული ურთიერთობის გაძლიერების თვალსაზრისით, რუსეთის უკრაინაზე თავდასხმის ფონზე, ჩვენი პროექტის მნიშვნელობა კიდევ უფრო იზრდება“, — განაცხადა გერმანიის განათლებისა და მეცნიერების ფედერალური სამინისტროს დელეგაციის ხელმძღვანელმა გაბრიელე შერმანიმ.

„პროექტი არა მარტო ეკოლოგიური და ეკონომიკური, არამედ პოლიტიკური მნიშვნელობისაც არის. ენგურის კაშხალი გიგანტური და ძველია, მას ესაჭიროება ზრუნვა. ჰესი საქართველოს ელექტროენერჯის 40%-ს გამოიმუშავებს და ესაზღვრება რუსეთის მიერ ოკუპირებულ რეგიონს. ამასთანავე, ჩვენ ვცხოვრობთ კლიმატის ცვლილების ეპოქაში. საქართველოს გაუმართლა, რადგან მას ბევრი ჰიდრორესურსი აქვს, რაც არ გააჩნია გერმანიას და გვინევს მთლიანად განახლებად ენერჯიაზე გადასვლა. ჩვენ უნდა ვიმუშაოთ ჩვენი საუკეთესო მომავლისა და საერთო სარგებლის მიღებისთვის. ვიცით, რომ საქართველო მიიღწეის ევროკავშირისკენ, რასაც მივესალმებით. თქვენ უკვე ხართ ევროპული ოჯახის წევრი, თუმცა იმისათვის, რომ ევროკავშირის წევრიც გახდეთ, აუცილებელია გქონდეთ რესურსების, უნარ-ჩვევებისა და საკანონმდებლო რეგულაციების იგივე დონე, რაც ევროკავშირის წევრ სხვა ქვეყნებშია. ვფიქრობ, ამ პროცესში „DAMAST“-ის პროექტი ერთ-ერთი მნიშვნელოვანი წინ გადადგმული ნაბიჯია“, — განაცხადა საქართველოში გერმანიის ელჩმა პიტერ ფიშერმა.

გერმანიის განათლებისა და მეცნიერების ფედერალურმა სამინისტრომ წელსვე დაიწყო DAAD-SDG (sustainable development goal) თსუ-სა და სტუ-ს სტუდენტებისა და ახალგაზრდა მეცნიერების გაცვლითი პროგრამები, რომელიც დედამიწის შემსწავლელი მეცნიერებების მიმართულებით ხორციელდება. პროექტი 4 წლიანია. ქართველ ახალგაზრდა მეცნიერთა პირველი ჯგუფი კვლევითი ვიზიტით გერმანიაში უკვე იმყოფებოდა.

„კარლსრუეს ტექნოლოგიურ ინსტიტუტში ჩემი ვიზიტის მიზანი ენგურჰესის ირგვლივ დამონტაჟებული სადგურებიდან მონაცემების მიღება-დამუშავება იყო. პროექტის ფარგლებში შევისწავლე უნიკალური ტექნოლოგიები, თუ როგორ უნდა მოვახდინოთ ლოკალური სეისმური ივენთების დეტექტირება და მიღებული ინფორმაციის დამუშავება. გაცვლითი პროგრამა ერთთვისაა იყო. საქართველოში არსებული ბაზა საშუალებას გვაძლევს ეს კვლევები აქაც განვახორციელოთ და საბოლოოდ ენგურჰესის მდგომარეობა შევაფასოთ“, — გვითხრა თსუ-ის გეოფიზიკის ინსტიტუტის სპეციალისტმა და თსუ-ის ფიზიკის მიმართულების მაგისტრანტმა ნაზი ტულუშმა.

საერთაშორისო სამეცნიერო კონფერენცია — „მონიტორინგი მაღალი კაშხლის სიცოცხლისუნარიანობის გახანგრძლივებისთვის: წყლისა და ელექტროენერჯის სამედიო მინოდება დეკარბონიზაციისათვის“ — 15 სექტემბერს გაიხსნა. გერმანელების დელეგაცია „DAMAST“-ის ფარგლებში მიღებული კვლევების შედეგებსა და ენგურჰესის ირგვლივ დამონტაჟებული სეისმური და გეოდეზიური სადგურების მუშაობას რამდენიმე დღის განმავლობაში ეცნობოდა.



# ახალი საგანი – ინოვაციური ეკონომიკა

თამარ ლალიანი

ახალი სასწავლო წლიდან თსუ-ის ეკონომიკისა და ბიზნესის ფაკულტეტის თეორიული ეკონომიკის კათედრის ხელმძღვანელი, პროფესორი ელგუჯა მეტევაბიშვილი ეკონომიკისა და ბიზნესის ფაკულტეტის მაგისტრანტებს წაუკითხავს ახალ სალექციო კურსს — „ინოვაციური ეკონომიკა“, რომელიც ციფრული ეკონომიკის სასწავლო მოდულის ერთ-ერთი სავალდებულო საგანია.

რა არის ინოვაციური ეკონომიკა? რა მნიშვნელობა აქვს მის განვითარებას? რატომ გახდა აუცილებელი ამ ეკონომიკური დისციპლინის სწავლება სტუდენტებისათვის და რა საკითხებს განიხილავს აღნიშნული საგანი?

გვესაუბრება პროფესორი  
ელგუჯა მეტევაბიშვილი

სიტყვა „ინოვაცია“ ეტიმოლოგიურად წარმოდგება ლათინური „Innovation“-ისგან და ნიშნავს ახალს, სიახლეს. ყველაზე მარტივი განმარტებით, „ინოვაციური ეკონომიკა“ არის ახალ ტექნიკასა და ტექნოლოგიებზე, შრომისა და წარმოების ორგანიზაციის თანამედროვე პროგრესულ ფორმებსა და მეთოდებზე დამყარებული ეკონომიკური სისტემა. ინოვაციური ეკონომიკა საზოგადოების მწარმოებელი ძალების ხანგრძლივი განვითარების კანონზომიერი შედეგია.

ჯერ კიდევ ადრეულ, მე-17-ე საუკუნეში თვალსაჩინო ინგლისელმა ფილოსოფოსმა ფრ. ბეკონმა დაწერა ნაშრომი „ესეები ინოვაციების შესახებ“, რომელშიც აღწერილია მითითური სახელმწიფო „ატლანტიდა“, სადაც ინოვაციები გადამწყვეტ როლს თამაშობს ადამიანთა ცხოვრებაში. ინოვაციური ეკონომიკის თეორიის ფუძემდებლად სამართლიანადაა აღიარებული ცნობილი ავსტრო-ამერიკელი ეკონომისტი ი.ა. შუმპეტერი, რომლის აზრით, ეკონომიკური ზრდის მთავარი მამოძრავებელი ძალაა გამოგონებები და ინოვაციები. ისინი ბაზარზე გამოდიან ახალი პროდუქტების და ახალი პროცესების სახით. ინოვაციები ქმნიან მოთხოვნას საინვესტიციო კაპიტალზე და „აუცილებლად სტერილურ (მკვდარ) კაპიტალს“ (შუმპეტერი).

ინოვაციური გადატრიალებები, როგორც წესი, ღირებულებათა შექმნის მთელი ჯაჭვის შეცვლას იწვევს, როგორც ეს გააკეთა ორთქლის ძრავამ სამრეწველო რევოლუციის პერიოდში და კომპიუტერების ინტერნეტებთან ინტეგრაციამ საინფორმაციო რევოლუციის პერიოდში (1980-1990-იანი წლების მიჯნაზე).

თანამედროვე რეალობაში ძირითად შეიცვალა რა საზოგადოების განვითარების ტექნო-ეკონომიკური პარადიგმა, მის ცენტრში ინოვაციური ეკონომიკასთან დაკავშირებული საკითხები აღმოჩნდა.

რამდენიმე წლის წინ ეკონომიკისა და ბიზნესის ფაკულტეტზე პროფესორ გიორგი ლალანიძის ინიციატივითა და უშუალო ხელმძღვანელობით მაგისტრატურაში, რამდენადაც ჩემთვის ცნობილია, პირველად საქართველოში, შეიქმნა ციფრული ეკონომიკის მოდული, რომლის ერთ-ერთი სავალდებულო საგანი ინოვაციური ეკონომიკაა, რაც სრულიად კანონზომიერია. საქმე იმაშია, რომ ინოვაციური ეკონომიკა საკმაოდ ფართო და ტევადი ცნებაა, რომელიც რამდენიმე მიმართულებას მოიცავს: საინფორმაციო ეკონომიკას; ცოდნის ეკონომიკას (knowledge economy), ან როგორც ზოგჯერ ამბობენ ცოდნაზე დამყარებულ ეკონომიკას (knowledge-based economy) თუ ცოდნით მართულ ეკონომიკას (knowledge drive economy). ინოვაციური ეკონომიკის ყველაზე თანამედროვე და პერსპექტიული ტიპია ციფრული ეკონომიკა (digital economy), რომლის უზარმაზარი პოტენციალი, განსაკუთრებული სიციხადით, კოვიდ 19 პანდემიით შექმნილ ექსტრემალურ პირობებში გამოიკვეთა. საინოვაციო მივიღე შემოთავაზება აღნიშნული საგნის წაკითხვის თაობაზე და ამჟამად ინტენსიურად ვმუშაობ ინოვაციური ეკონომიკის სალექციო კურსის გამოცემაზე. ვფიქრობ, სტუდენტთა ინტერესი ამ საგნის მიმართ საკმაოდ მაღალია და ვიმედოვნებ, მომავალშიც ასე იქნება, რამეთუ საკითხი ეხება ყველაზე რაციონალურ და ეფექტიან ეკონომიკურ სისტემას, რომელიც წარმატებით ფუნქციონირებს ყველაზე განვითარებულ პოსტიდელსტრიულ ქვეყნებში და რაც, ჩემი აზრით, განსაკუთრებით მნიშვნელოვანია ჩვენთვის... სწორედ ინოვაციური ეკონომიკაზე დაყრდნობით, დროის მოკლე პერიოდში, შეძლეს ფანტასტიკური შედეგების მიღწევა ერთ დროს ეკონომიკურად არც თუ ისე განვითარებულმა ქვეყნებმა, როგორცაა ირლანდია, ფინეთი, ისრაელი, სამხრეთ კორეა და სხვ.

## ინოვაციური ეკონომიკა ჯერ კიდევ მერ გადაიქცა სახელმწიფო ეკონომიკური პოლიტიკის პრიორიტეტად

ქართველი ეკონომისტების (ვ. პაპავა, რ. აბესაძე, ლ. ჩიქავა და სხვები) მიერ არაერთხელ აღნიშნულა ის გარემოება, რომ ბუნებრივი რესურსებით (ნავთობი, გაზი და სხვ.) სწრაფი ეკონომიკური ზრდის და გლობალურ ეკონომიკაში ღირსეულად ინტეგრირების ერთადერთი გზა ინოვაციური ეკონომიკის განვითარებაზე



გადის (მით უფრო ისეთ ღარიბ ქვეყანაში, როგორც საქართველო). იმის თქმა, რომ საქართველოში ამჟამად არ მიმდინარეობს ამ მიმართულებით მოძრაობა, არ იქნება სწორი. სხვადასხვა დროს საქართველოს მთავრობის მიერ მიღებულია დოკუმენტები, რომლებიც არაპირდაპირ და პირდაპირ პასუხობს ინოვაციური ეკონომიკის განვითარების მოთხოვნებს. მათ შორის, მთავარია „საქართველოს კანონი ინოვაციების შესახებ“, რომელიც ინოვაციების სამართლებრივი ბაზის ფუნდამენტს წარმოადგენს. ფუნქციონირებს საქართველოს მთავრობის სათათბირო ორგანო — „კვლევებისა და ინოვაციების საბჭო“ და საჯარო სამართლის იურიდიული პირი — „საქართველოს ინოვაციებისა და ტექნოლოგიების სააგენტო“, რომლებსაც ეკისრებათ ინოვაციური ეკონომიკის ფუნქციონირების წარმართვა. ასევე ჩამოყალიბების პროცესშია ინოვაციური საქმიანობის ხელშეწყობის ინფრასტრუქტურა, რომელიც შემდეგ ელემენტებს მოიცავს: სამეცნიერო-ტექნოლოგიური პარკები, ბიზნესინკუბატორები, ბიზნესამაჩქარებლები, ახალი ტექნოლოგიების გადაცემის ცენტრები, სამრეწველო ლაბორატორიები (ე.წ. FabLab) და ინოვაციების ლაბორატორიები (ILab). ამასთანავე, ინოვაციური ეკონომიკა, სამხუზაროდ, ჯერ კიდევ ვერ გადაიქცა სახელმწიფოს ეკონომიკური პოლიტიკის პრიორიტეტად. სამ ათეულ წელზე მეტია, საქართველო გარე თუ შიდა მოკლებით გამოწვეულ კრიზისებში ცხოვრობს და ხელისუფლება, რომელიც მიმდინარეობს პრობლემების გადაჭრითა დაკავებული, ვერ ახერხებს ისეთი სტრატეგიული მიზნის რეალიზაციისთვის სათანადო ყურადღების დათმობას, როგორც ინოვაციური

ეკონომიკის განვითარება. მონოპოლია და ინოვაციური ეკონომიკა ერთმანეთის ანტიპოდებია. ინოვაციური ეკონომიკა არ ტოვებს ადგილს მონოპოლიების საბაზრო ძალაუფლებისთვის. ამიტომ მონოპოლიები, რომლებსაც, სამწუხაროდ, დიდი ძალა და გავლენა გააჩნიათ თანამედროვე საქართველოში, გააფრთხილებით ენიხანაღმდეგებიან ინოვაციური ეკონომიკის განვითარებას.

სწორედ ეკონომიკის მონოპოლიზაციის მაღალი დონე შეიძლება ჩაითვალოს ინოვაციების მიმართ სანარმოთა მხრიდან დაუინტერესებლობის მთავარ მიზეზად. სახელმწიფომ, პირველ რიგში, არა დეკლარაციულად, არამედ რეალურად უნდა დააყენოს ეკონომიკური პოლიტიკის მთავარ პრიორიტეტად ინოვაციური ეკონომიკის დაფუძნება და განვითარება. ამ ამოცანას უნდა დაუქვემდებაროს მის განკარგულებაში არსებული რესურსების მნიშვნელოვანი ნაწილი. მან უნდა განახორციელოს ინოვაციური საქმიანობის მასტიმულირებელი ფულად-საკრედიტო, საგადასახადო და საინვესტიციო-სტრუქტურული პოლიტიკა, როგორც ეს გააკეთეს ჩვენ მიერ ზემოთ აღნიშნულმა ქვეყნებმა. ასევე ძალიან მნიშვნელოვანია აქტიური და ქმედითი ანტიმონოპოლიური პოლიტიკის განხორციელება, რისი ნიშნებიც, ჯერ-ჯერობით, არ შეინიშნება. აუცილებელია სამთავრობო სტრუქტურების, კერძო ბიზნესის და მთელი საზოგადოების ძალისხმევით კონცენტრაცია საქართველოში ინოვაციური ეკონომიკის ჩამოყალიბების პრობლემის გადაწყვეტაზე. ყოველივე ამის გაკეთება სწრაფადაა საჭირო, ვინაიდან დრო, სამწუხაროდ, ჩვენს სასარგებლოდ არ მუშაობს.

# ივანე ჯავახიშვილის თხოულაბათა სრული ახალგაიური ხრებულის მოსამზადებლად თსუ-ში მუშაობა დაიწყო

თბილისის სახელმწიფო უნივერსიტეტის რექტორის ბრძანებით, თსუ-სა და საქართველოს ხელნაწერთა ეროვნულ ცენტრს შორის 2021 წლის 18 ნოემბერს გაფორმებული მემორანდუმის საფუძველზე, ივანე ჯავახიშვილის სრული აკადემიური კრებულის მოსამზადებლად სარედაქციო საბჭო და ტექსტოლოგიური კომისია შეიქმნა.

სარედაქციო საბჭოს შემადგენლობაში შედიან: ზაალ აბაშიძე, სსიპ — კორნელი კეკელიძის სახელობის ხელნაწერთა ეროვნული ცენტრის დირექტორი, სარედაქციო საბჭოს თავმჯდომარის მოადგილე; დავით სართანია, თსუ მუზეუმის დირექტორის მოადგილე, სწავლული მდივანი; როინ მეტრეველი, საქართველოს მეცნიერებათა ეროვნული აკადემიის ვიცე-პრეზიდენტი; მზექალა შანიძე, აკადემიკოსი; დავით მუსხელიშვილი, აკადემიკოსი; დავით ლორთქიფანიძე, საქართველოს მეცნიერებათა ეროვნული აკადემიის ნევრ-კორესპოდენტი;

თეონა იაშვილი, საქართველოს ეროვნული არქივის გენერალური დირექტორი; ჯაბა სამუშია, აკადემიკოსი, შოთა რუსთაველის ეროვნული სამეცნიერო ფონდის გენერალური დირექტორი; ვახტანგ ლიჩელი, თსუ არქეოლოგიის სასწავლო-სამეცნიერო ინსტიტუტის ხელმძღვანელი; მალხაზ მაცაბერიძე, თსუ პოლიტიკის მეცნიერებათა დეპარტამენტის ხელმძღვანელი; ზაზა სხირტლაძე, თსუ კულტურის ისტორიისა და თეორიის სასწავლო-სამეცნიერო ინსტიტუტის ხელმძღვანელი; თეა შურდაია, თსუ აღმოსავლეთმცოდნეობის სასწავლო-სამეცნიერო ინსტიტუტის ირანისტიკის კათედრის ხელმძღვანელი; მერაბ ჩუხუა, თსუ კავკასიოლოგიის სასწავლო-სამეცნიერო ინსტიტუტის ხელმძღვანელი, ჩერქეზული კულტურის ცენტრის დირექტორი; ნუგზარ ანთელავა, ჩერქეზული კულტურის ცენტრის დირექტორის მოადგილე; ლევან გორდეზიანი, თსუ პროფესორი; თეიმურაზ გვიმრაძე, თსუ ასოცირებული

პროფესორი; გონელი არახაშია, საქართველოს მეცნიერებათა ეროვნული აკადემიის მეცნიერების განყოფილების გამგე; ოთარ ჯანელიძე, გორის სასწავლო უნივერსიტეტის პროფესორი; მაია გურაბანიძე, თსუ მუზეუმის დირექტორი; შალვა გლოველი, კორნელი კეკელიძის სახელობის საქართველოს ეროვნული ცენტრის სამეცნიერო-ანალიტიკური და საგამომცემლო განყოფილების ხელმძღვანელი; გიორგი ჭიჭიშვილი, თსუ ივანე ჯავახიშვილის სახელობის ისტორიისა და ეთნოლოგიის ინსტიტუტის დირექტორი; ვალერი ვაშაკიძე, თსუ ივანე ჯავახიშვილის სახელობის ისტორიისა და ეთნოლოგიის ინსტიტუტის დირექტორის მოადგილე; ნანა მაჭავარიანი, თსუ არნოლდ ჩიქობავას სახელობის ენათმეცნიერების ინსტიტუტის დირექტორი; ნანა ბოლარაშვილი, თსუ ვახუშტი ბაგრატიონის გეოგრაფიის ინსტიტუტის დირექტორი; გიორგი სანიკიძე, ილიას სახელმწიფო უნივერსიტეტის გიორგი წერეთლის

აღმოსავლეთმცოდნეობის ინსტიტუტის დირექტორი; რამაზ აბესაძე, თსუ პაატა გუგუშვილის სახელობის ეკონომიკის ინსტიტუტის დირექტორი; ლაშა ბრეგვაძე, თსუ თინათინ წერეთლის სახელმწიფოსა და სამართლის ინსტიტუტის დირექტორი; ირმა რატიანი, თსუ შოთა რუსთაველის სახელობის ქართული ლიტერატურის ინსტიტუტის დირექტორი.

ივანე ჯავახიშვილის თხოულაბათა სრული აკადემიური კრებულის მოსამზადებლად თსუ მუზეუმში შეიქმნა კრებულის ტექსტოლოგიური კომისია, კომისიის წევრები არიან: დავით სართანია, თსუ მუზეუმის დირექტორის მოადგილე, ისტორიის დოქტორი, ტექსტოლოგიური კომისიის ხელმძღვანელი; გია ჩხიკვიშვილი, ისტორიის დოქტორი, ტექსტოლოგიური კომისიის ხელმძღვანელის მოადგილე; მაია ციციძე,



# პრეზიდენტის ინიციატივა – გაცხადებული პარლამენტის ჩარჩოებში მოღვაწეობის ამსახველ გამოფენაზე



## მაია ბორაძე

„მე არაერთხელ გამოვედი ინიციატივით, რომ (ალბათ, უფრო ვაკის პარკში) შეიქმნას, ქვეყნის ისტორიის სხვადასხვა ეტაპზე და სხვადასხვა ფორმით, საქართველოს დამოუკიდებლობისათვის მებრძოლთა ერთიანი მემორიალი, რომელთა შორისაც იყო ვარლამ ჩერქეზიშვილი“.

— აღნიშნა პრეზიდენტმა სალომე ზურაბიშვილმა 21 სექტემბერს ორბელიანების სასახლეში გამართულ შეხვედრაზე. ამ დღეს XIX-XX საუკუნეების ცნობილი პოლიტიკოსისა და საზოგადო მოღვაწის ვარლამ ჩერქეზიშვილის შრომების, ცხოვრებისა და შემოქმედებითი მემკვიდრეობის ამსახველი სამეცნიერო ლიტერატურის ციფრული ვერსიების გამოფენა და თბილისის სახელმწიფო უნივერსიტეტის ინიციატივით და საქართველოს ფოსტის მხარდაჭერით გამოცემული ჩერქეზიშვილის 175 წლის იუბილესადმი მიძღვნილი საფოსტო მარკის პრეზენტაცია გაიმართა.

გამოფენაზე მონაწილე იყვნენ ვარლამ ჩერქეზიშვილის მშობლიური მხარის, საგარეჯოს მუნიციპალიტეტის საჯარო სკოლის მოსწავლეები. ღონისძიებას საქართველოს პრეზიდენტმა სალომე ზურაბიშვილმა უმასპინძლა.

ღონისძიებაზე სიტყვით გამოვიდა საქართველოს პრეზიდენტი სალომე ზურაბიშვილი, რომელმაც განსაკუთრებით აღნიშნა საგარეჯოელი მოსწავლეების სტუმრობა გამოფენაზე და რამდენიმე ინიციატივაც გაახშირანა. კერძოდ, მისი თქმით, კარგი იქნება თუ ვაკის პარკში გაიხსნება მემორიალი, რომელიც შემოინახავს იმ ადამიანების ხსოვნას, რომლებმაც საქარ-

თველოს დამოუკიდებლობისა და მისი პოპულარიზაციისთვის დიდი შრომა გასწიეს პოლიტიკურ ემიგრაციაში. „ემიგრაცია არ დანებებულა მხოლოდ 1921 წლის შემდეგ, ის ბევრად უფრო ადრე, რუსული იმპერიის დროს დაიწყო და ვარლამ ჩერქეზიშვილი იმ დროს უკვე იყო პოლიტიკურ ემიგრაციაში. ეს ადამიანები იქ ამზადებდნენ ჩვენი სახელმწიფოს საფუძვლებს, ჩვენს სახელმწიფო იდეოლოგიას, იბრძოდნენ იმთავითვე დამოუკიდებლობისთვის და იმისთვის, რომ ეს ქვეყანა სწორედ ევროპულ სანაწილებზე შექმნილიყო. ვარლამ ჩერქეზიშვილი ანარქისტი იყო და, ამავედროულად, სხვებთან ერთად იბრძოდა საქართველოს სახელმწიფო დამოუკიდებლობისა და სახელმწიფოს მშენებლობისათვის. დღეს, როცა აქედან ვუყურებთ ისტორიის ამ ფურცლებს, ვრწმუნდებით, რომ თურმე შესაძლებელია ეროვნული თანხმობა შედგეს, თუნდაც იმ ადამიანთა შორის, რომლებსაც ძალიან განსხვავებული წარმოდგენები და იდეოლოგია გააჩნიათ; შესაძლებელია, რომ სახელმწიფოს ირგვლივ და მისი შექმნის ირგვლივ შედგეს ის ეროვნული თანხმობა, რომელიც დღეს ესოდენ გვჭირდება. ვარლამ ჩერქეზიშვილი ამის კარგი მაგალითია. ამიტომ მე არაერთხელ გამოვედი ინიციატივით, რომ (ალბათ, უფრო ვაკის პარკში) შეიქმნას, ქვეყნის ისტორიის სხვადასხვა ეტაპზე და სხვადასხვა ფორმით, საქართველოს დამოუკიდებლობისათვის მებრძოლთა ერთიანი მემორიალი, რომელთა შორისაც იყო ვარლამ ჩერქეზიშვილი“.

— აღნიშნა პრეზიდენტმა. მან ასევე წამოაყენა წინადადება — სკოლაში დაიწყოს პოლიტიკური ემიგრაციის პერიოდისა და ემიგრანტების შესახებ საფუძვლიანი სწავლება.

გამოფენის გახსნისას სიტყვით გამო-

ვიდნენ თბილისის სახელმწიფო უნივერსიტეტის რექტორი გიორგი შარვაშიძე, მეცნიერი და მკვლევარი გოჩა ფერაძე და საქართველოს ფოსტის გენერალური დირექტორი ლევან ჩიკვაიძე, რომელმაც საქართველოს პრეზიდენტს და თსუ-ის რექტორს გიორგი შარვაშიძეს ვარლამ ჩერქეზიშვილის საიუბილეო თარიღთან დაკავშირებით გამოცემული საფოსტო მარკა უსახსოვრა.

პრეზიდენტის სასახლეში წარმოდგენილი იყო 1860-1925 წლებში ვარლამ ჩერქეზიშვილის ცხოვრების ამსახველი ფოტომასალა, მის მიერ უცხოეთში გამოქვეყნებული შრომების ფოტოილუსტრაცია.

ვარლამ ჩერქეზიშვილისადმი მიძღვნილი გამოფენა კვლავ გრძელდება. ის გაცდება დედაქალაქს და რეგიონებშიც გაიმართება.

## 306 იყო ვარლამ ჩერქეზიშვილი?

ვარლამ ჩერქეზიშვილი — ცნობილი ქართველი საზოგადო მოღვაწე, XIX საუკუნის 60-იანი წლებიდან იყო ჩართული რევოლუციურ მოძრაობაში. იგი რამდენჯერმე გადაასახლეს, 1876 წლიდან კი მოახერხა ევროპაში გაქცევა და იმავე წელს პირველი ინტერნაციონალის წევრი გახდა. მას მნიშვნელოვანი ადგილი ეჭირა სოციალისტური მოძრაობის ისტორიაში. ვარლამ ჩერქეზიშვილს ანგარიშს უწევდნენ მოძრაობის ლიდერები: კ. კაუტსკი, კ. ლიბკნეხტი და სხვები. ის გახლდათ პოლიტიკოსი, რომელმაც, ქართველებიდან პირველმა, მსოფლიოს პროგრესულად მოაზროვნეთა ყურადღება მიაპყრო რუსეთის მიერ 1783 წელს საქართველოსთან დადებული საერთაშორისო ხელშეკრულების დარღვევის სამართლებრივ ასპექ-

ტებს და ჰააგის 1907 წლის კონფერენციაზე ეს საკითხი მსჯელობის საგნად აქცია. მას დიდი წვლილი აქვს შეტანილი ქართველი სოციალ-ფედერალისტების მიერ დანაშაულ ეროვნულ-განმათავისუფლებელი მოძრაობის დახმარებაში, იბრძოდა ქართული ეკლესიის ავტოკეფალიის აღსადგენად.

მეცნიერები წერენ, რომ თუ საქართველოში ეროვნული ძალების შემაკავშირების და წინამძღოლის ფუნქციას ილია ჭავჭავაძე ასრულებდა, იმ პერიოდის ევროპაში ჩვენს ქვეყანას ვარლამ ჩერქეზიშვილის სადარი გულშემატკივარი არ ჰყოლია.

1918-1921 წლებში ვარლამ ჩერქეზიშვილი ჰოლანდიელ მეუღლესთან — ფრიდასთან ერთად საქართველოში დაბრუნდა და აქტიურად იყო ჩართული ქვეყნის საზოგადოებრივ თუ პოლიტიკურ ცხოვრებაში. საბჭოთა ხელისუფლების დამყარების შემდეგ ის იძულებული გახდა ემიგრაციაში წასულიყო და თავი ინგლისისთვის შეეფარებინა, სადაც გარდაიცვალა 1925 წელს. მისი ფერფლი დაკარგულად ითვლებოდა და გარდაცვალებიდან 75 წლის შემდეგ მიაკვლია ივანე ჯავახიშვილის სახელობის თბილისის სახელმწიფო უნივერსიტეტის ასოცირებულმა პროფესორმა გოჩა ფერაძემ, რომლის ინიციატივითაც ბევრი საქმე გაკეთდა ვარლამ ჩერქეზიშვილის სახელის უკვდავსაყოფად. დღეს მეცნიერი ცდილობს აღასრულოს ვარლამ ჩერქეზიშვილის უკანასკნელი სურვილი და მისი ნეშტი საქართველოს დაუბრუნდეს.

სწორედ გოჩა ფერაძემ წარუდგინა დამსწრე საზოგადოებას გამოფენა, რომელშიც ნაჩვენები იყო ვარლამ ჩერქეზიშვილის ცხოვრება და მოღვაწეობა.

## სიხლელაღი ფაქტობაზე

გვესაუბრება ფსიქოლოგიისა და განათლების მეცნიერებათა ფაკულტეტის დოკანო

თამარ ბაბოშვიძე

სხალ სასწავლო წელს განახლებული აკადემიური პროგრამებით შევხვდით: აკრედიტაცია გაიარა ფსიქოლოგიის, ოკუპაციური თერაპიის საბაკალავრო პროგრამებმა და გამოყენებითი სოციალური ფსიქოლოგიის სამაგისტრო პროგრამამ. განახლებულია და აკრედიტაცია გაიარეს შრომისა და ორგანიზაციის სამაგისტრო ბაკავტორი და მოზარდთა ფსიქოლოგიური შეფასებისა და კონსულტირების სამაგისტრო პროგრამებმა. წელს ამ პროგრამებზე კონკურსი იყო. აკრედიტაცია გაიარა ახალმა სამაგისტრო პროგრამამ — „გავლენები და კომუნიკაციის ფსიქოლოგია“ და უკვე მიიღო მაგისტრანტი. მასწავლებელთა მომზადების 60 კრედიტიან პროგრამაზე ძალიან ბევრი მსურველი გვყავს. მასწავლებელთა მომზადების 300 კრედიტიან პროგრამაში ახალი არჩევითი კურსები მომზადდა ინკლუზიური განათლების მიმართულებით. ინკლუზიური განათლების კონტექსტში

აღსანიშნავია, რომ წელს ჩვენთან სწავლობს უსინათლო გოგონა, რომლისთვისაც სპეციალურად მუშაობს ორიენტაციის ტრენერი და ხელს უწყობს სასწავლო კორპუსში მისთვის გადაადგილების სწავლებას. ზოგადად, შშმ პირებთან დაკავშირებით მინდა ვთქვა, რომ თსუ-ის მესამე კორპუსი ძველი შენობაა და იმ პირებისთვის, ვისაც გადაადგილება აქვთ შეზღუდული, ფაქტობრივად, შეუძლებელია აქ სწავლა, თუმცა გარემო ადაპტირებული გვაქვს უსინათლო სტუდენტებისთვის, შემუშავებული და დანერგილია სწავლების შესაბამისი მეთოდიც, რაშიც ცენტრალური ადმინისტრაცია ძალიან გვეხმარება და ამისთვის მინდა მადლობა გადავუხადო. ინკლუზიური განათლების მიმართულებით ფაკულტეტზე „შშმ საკითხების კვლევის ცენტრი“ მუშაობს, რომელიც ერაჰმუს + პროექტის ფარგლებში, ინკლუზიური განათლების კუთხით, მასწავლებელთა გაძლიერებას ისახავს მიზნად. სწორედ ამ პროექტის ფარგლებში დავნერგეთ უსინათლო ადამიანებისთვის საჭირო სასწავლო ტექნოლოგიები. სიახლეა ისიც, რომ განათლების მეცნიერ-

ებთან დეპარტამენტი ამზადებს სრულიად ახალ სამაგისტრო პროგრამას პროფესიულ განათლებაში. სწავლება ინგლისურ ენაზე იქნება.

სამეცნიერო კვლევითი მიმართულებით აღნიშნავ, რომ ფაკულტეტზე უკვე მესამე წელია გამოდის „ქართული ფსიქოლოგიური ჟურნალი“, სადაც ჩვენი აკადემიური პერსონალი პერიოდულად აქვეყნებს ახალი კვლევების შედეგებს. ბალტიისპირეთის ქვეყნებთან ერთად, ერაჰმუს+ პროგრამის ფარგლებში ხორციელდება პროექტი „ტექნოლოგიებით გაძლიერებული სწავლება და სწავლა საქართველოს უსდ-ებში“, რომლის მიზანია სასწავლო პროცესში სწავლა-სწავლების ტექნოლოგიური საშუალებების გამოყენების აქტიური დანერგვა.

ასევე, ვგეგმავთ ჩვენი ფსიქოლოგიური კონსულტაციისა და ტრენინგ-ცენტრის გაძლიერებას. ფაკულტეტი მონაწილეობს ერაჰმუს+ პროექტში „ფსიქოლოგიური საკონსულტაციო ცენტრების შექმნა საქართველოს უსდ-ებში“. ამ პროექტის ფარგლებში ჩვენ გვინდა, რომ გავიზიაროთ უცხოელი კოლეგების გამოცდილება



სტუდენტებისა და აკადემიური პერსონალის კეთილდღეობის მხარდაჭერის საკითხებში.

მომავალი წლის გაზაფხულისთვის დასრულდება და აკრედიტაციაზე წარვადგინებთ ადრეული განათლების სპეციალისტების მოსამზადებელ აკადემიურ საბაკალავრო პროგრამას. პროგრამის შემუშავების პროცესში აქტიურად ვთანამშრომლობთ საერთაშორისო ორგანიზაციასთან UNICEF, სან დიეგოს უნივერსიტეტთან, ისრაელის გორდონის კოლეჯთან.



# 85 წელი მათემატიკის სამსახურში

ცნობილ ქართველ მეცნიერს, ფიზიკა-მათემატიკურ მეცნიერებათა დოქტორს, თსუ-ის ემერიტუს პროფესორს, ილია ვეკუას სახელობის გამოყენებითი მათემატიკის ინსტიტუტის მათემატიკური მოდელირებისა და რიცხვითი მეთოდების მიმართულების ხელმძღვანელს თამაზ ვაშაყმაძეს 85 წელი შეუსრულდა.

აია ბორაძე

სულ ცოტა ხნის წინ ივანე ჯავახიშვილის სახელობის თბილისის სახელმწიფო უნივერსიტეტში ხანგრძლივი და ნაყოფიერი სამეცნიერო და პედაგოგიური საქმიანობისთვის და მათემატიკის დარგში შეტანილი განსაკუთრებული წვლილისათვის თამაზ ვაშაყმაძე რექტორმა გიორგი შარვაშიძემ უნივერსიტეტის ოქროს მედლით დააჯილდოვა. ცხადია, ერთი საგაზეთო მასალა ვერ დაიტევს მეცნიერის უზარმაზარ მემკვიდრეობას, მაგრამ უნდა აღინიშნოს, რომ ის დღემდე აქტიური სამეცნიერო ცხოვრებით ცხოვრობს, მონაწილეობს კონფერენციებში, აქვეყნებს ნაშრომებს. ყოველი მისი ახალი მოხსენება და კვლევა კი მნიშვნელოვანი შენაძენია მათემატიკოსთა სამეცნიერო საზოგადოებისთვის. სულ ახლახან, აგვისტოსა და სექტემბერში ჩატარებულ ფორუმებზე თამაზ ვაშაყმაძემ ოთხი მოხსენება წარადგინა, მათგან ერთი — ი. ვეკუას სახელობის გამოყენებითი მათემატიკის ინსტიტუტის სემინარის გაფართოებულ სხდომაზე, ხოლო სამი — ბათუმში აგვისტოში ჩატარებულ საქართველოს მექანიკოსთა კავშირის და მათემატიკოსთა კავშირის საერთაშორისო კონფერენციებზე აკად. ვ. მაკაროვთან ერთად.

„დღემდე ვსწავლობ და ვიზრდები. სხვისი კრიტიკა ჩემი საქმე არ არის, ყოველთვის ვფიქრობ — მე როგორ განვვითარდები და რა შემიძლია, რომ გავაკეთო ახალი. უნივერსიტეტში არცერთი დღე არ გამიცდენია და 10-ზე მეტი სილაბუ-

სი მაქვს შექმნილი. მიყვარს ჩემი საქმე. ეს ჯილდო, ფაქტობრივად, არის იმის დადასტურება, თუ ვინ და როგორ ემსახურება ქართველ ხალხს და, შესაბამისად, უნივერსიტეტს. ჩემთვის ამაზე დიდი ჯილდო არ არსებობს. უნივერსიტეტი საქართველოსთვის არის კოლოსალური მნიშვნელობის, ხოლო ოქროს მედალი — აღიარება იმ პროფესორ-მასწავლებლებს შორის, ვინც აქ სტუდენტს ემსახურება. მე ჩემი თავი შეიძლება უღირსადაც მიმაჩნდეს, რადგან უნივერსიტეტის ოქროს მედალი ძალიან დიდი ჯილდოა. თბილისის სახელმწიფო უნივერსიტეტი ცალსახად არის ძალიან მნიშვნელოვანი სიმბოლო საქართველოსთვის. ვცდილობ, ის მათემატიკის დარგში წარმოვაჩინო და ვაჩვენო, რომ თსუ-ს შეუძლია ყველა ნამყვანი უნივერსიტეტის და ქვეყნის გვერდით დადგეს“, — გვითხრა თამაზ ვაშაყმაძემ საპატიო ჯილდოს გადაცემის შემდეგ.

აღსანიშნავი და საინტერესოა, რომ პროფესორი თამაზ ვაშაყმაძე 1968 წლიდან დღემდე თსუ-ის ილია ვეკუას სახელობის გამოყენებითი მათემატიკის ინსტიტუტის თანამშრომელია. ამჟამად იგი რიცხვითი მეთოდებისა და მათემატიკური მოდელირების მიმართულების ხელმძღვანელი და მთავარი მეცნიერ-თანამშრომელია. პარალელურად ეწევა პედაგოგიურ საქმიანობას. იყო სრული პროფესორი, ამჟამად თსუ-ის ემერიტუსი და მიწვეული პროფესორია.

მისი კვლევებიდან განსაკუთრებით მნიშვნელოვანია ორი კანონზომიერების მიგნება:

1. უწყვეტი გარემოს უნივერსალობის შესახებ: რაიმე ძალას ან მოვლენას, დამზერის ან აღმოჩენის რომელიმე სეპარატულ ნივთიერებაში აქვს უნივერსალური ხასიათი — იგი საერთოა უწყვეტი გარემოს ნებისმიერი ფორმისათვის;
2. დაზუსტებულ იქნა დარსი-პასკალის კანონი იმ აზრით, რომ იგი არ არის სამართლიანი ფორმალური გარემოსათვის, რადგან ხორციელდება მათემატიკური მოდელის ტიპის გადაგვარება. ჩვენ მიერ

შემოტანილი ახალი ფაზიკური მახასიათებელი აზუსტებს დარსი-პასკალის კანონს.

მისი ინტერესების სფეროა გამოთვლითი მათემატიკა, მყარი დეფორმაციის სხეულის მექანიკა, მათემატიკური მოდელირება, ჩვეულებრივი და კერძონარმოებულიანი დიფერენციალური განტოლებები; მათემატიკური მოდელირება; კალკულუსი, კომპიუტერული მეცნიერებანი, ინფორმატიკა და სხვ.

განსაკუთრებით ფასეულია ქართველი მათემატიკოსის მონაწილეობა თურქ და ამერიკელ მეცნიერებთან ერთად თავდაცვისა და უსაფრთხოების განმტკიცების დარგში. ამ ხაზით მათ ერთობლივად შექმნეს და წარადგინეს პროექტი: „უპილოტო თვითმფრინავებისთვის ფრთის გათვლის თეორია და პრაქტიკა“, რომელიც ნატოს სპეციალისტთა მიერ შეფასდა, როგორც ძალზე ორიგინალური, მაღალი დონის სამეცნიერო-საინჟინერო პერსპექტიული მიმართულება.

თამაზ ვაშაყმაძე არის 15-ზე მეტი დაცული საკანდიდატო და სადოქტორო დისერტაციის ხელმძღვანელი და მეცნიერ-კონსულტანტი. ხუთ ნელზე მეტია, თსუ-ის რამდენიმე თანამშრომელთან ერთად, ხელმძღვანელობს და უანაზრდო ემსახურება მოსწავლეთა სკოლას „ნაბიჯ-ნაბიჯ ცოდნისაკენ“, სადაც მომზადდა და პრაქტიკა გაიარა 400-მდე ქართველმა და უცხოელმა ახალგაზრდამ მათემატიკასა და მომიჯნავე დარგებში.

იგი გახლავთ 200-ზე მეტი სამეცნიერო სტატიის, მათ შორის, 10-მდე მონოგრაფიისა და სახელმძღვანელოს ავტორი. მონაწილეობდა 180-ზე მეტი საერთაშორისო და რესპუბლიკური მნიშვნელობის სამეცნიერო ფორუმის მუშაობაში, ნაკითხული აქვს 130-ზე მეტი სექციური და 30-ზე მეტი პლენარული მოხსენება. იყო ორ ათეულზე მეტი საერთაშორისო კონფერენციის და კონგრესის ორგანიზატორი, არის ოთხი ჟურნალის, მათ შორის, „Journal of Applied Functional Analysis“ (აშშ, მემფისი) რედაქციის წევრი, იყო

1998-2003 წწ. თსუ-ის შრომების სერით „გამოყენებითი მათემატიკა და კომპიუტერული მეცნიერებანი“ მთავარი რედაქტორი. გახლავთ რიგი სამეცნიერო (მათ შორის, თსუ დიდი საბჭოს) და სადისერტაციო საბჭოების წევრი.

თამაზ ვაშაყმაძე დაჯილდოებულია პრეზიდენტის ბრწყინვალეობისა და ღირსების ორდენებით, ივანე ჯავახიშვილისა (1977, 2009) და თსუ-ის მედლებით; საქართველოს მეცნიერებათა აკადემიის მიერ გაცემული ილია ვეკუას პრემიით; თურქეთის მათემატიკოსთა საზოგადოების საერთაშორისო პრემიით უცხოელი მათემატიკოსებისათვის: „მთელი ცხოვრება მათემატიკის სამსახურში“.

85 წლის მეცნიერი დღემდე აგრძელებს აქტიურ კვლევით და პედაგოგიურ საქმიანობას, რაც წინაპირობაა იმისა, რომ შესაძლოა სულ მალე ახალი და მეტად მნიშვნელოვანი კვლევებით, მიგნებებითა თუ დასკვნებით წარსდგეს სამეცნიერო საზოგადოების წინაშე.



## ივანე ჯავახიშვილის თხოულაბათა სრული ახალბიური ჩრებულის მოსაზრებლად თსუ-ში მუშაობა დაიწყო

ა-13 გვ-და

თსუ დოქტორანტი, ისტორიკოს-კავკასიოლოგი, ტექსტოლოგიური კომისიის მდივანი; მიხეილ ქართველიშვილი, ისტორიის დოქტორი; დალი ნიკოლაიშვილი, გეოგრაფიის დოქტორი, თსუ პროფესორი; ავთანდილ უჯმაჯურიძე, ისტორიკოსი.


გვესაუბრება თსუ მუზეუმის დირექტორის მოადგილე, ისტორიის დოქტორი, ტექსტოლოგიური კომისიის ხელმძღვანელი **დაპით სარტანიანი**

— ივანე ჯავახიშვილის თხოულებების სრული აკადემიური გამოცემა ვერ არ არსებობს. მის სიცოცხლეში რომ ტომეულებად შეკრებილიყო ნაშრომები, დღის წესრიგში არც დადგარა. მისი გარდაცვლების შემდეგ კი ყველაზე დიდი ღვაწლი ივანე ჯავახიშვილის შრომებს აკადემიკოსმა სიმონ ყაუჩიშვილმა დასდო. მან ორჯერ გამოსცა ქართველი ერის ისტორია: ერთხელ ოთხ ტომად, ხოლო მეორედ ხუთ ტომად. ამ გამოცემის მეხუთე ტომი აკრძალულიც კი იყო.

გასული საუკუნის 70-იან წლებში, ივანე ჯავახიშვილის დაბადებიდან 100 წლისთავისთვის, დაიწყო 12-ტომეულის გამოცემა, რომლის ბოლო ტომი 90-იანებში გამოვიდა. საგულისხმოა, რომ ეს 12-ტომეული ბევრი ხარვეზით დაიბეჭდა, მაგალითად, მე-9 და მე-11 ტომებში ერთი და იგივე ნაშრომებია დაბეჭდილი, ხოლო დედანთან, სამწუხაროდ, არ არის შედარებული, რაც

ქმნის აცდენებს. ვერ-ვერობით ზუსტი პასუხი კითხვაზე, თუ რამდენი ტომის გამოცემა იგეგმება — ნაადრევია. რატომ? ჩვენ შეგვიძლია ვთქვათ — დაახლოებით რა მოცულობისაა მისი სამეცნიერო ნაშრომები, მაგრამ, სამეცნიერო მოღვაწეობასთან ერთად, ივანე ჯავახიშვილი უნივერსიტეტის რექტორი იყო. უფრო ზუსტად, დაარსებამდეც და დაარსების შემდეგაც ფაქტობრივად მის ზურგზე გადადიოდა საუნივერსიტეტო საქმიანობის მთელი სიმძიმე. მაშინდელი ყველა ოფიციალური დოკუმენტი მისი ხელითაა შედგენილი და დანერგილი. ამ დოკუმენტებზეა დასმული უნივერსიტეტის ბეჭედი და ცხადია — რექტორის და საბჭოს მდივნის ხელმოწერაც. მას ჯოჯოხეთური საქმე აქვს შესრულებული.

ივანე ჯავახიშვილის სრული აკადემიური გამოცემისათვის შექმნილი სარედაქციო საბჭო არის მთავარი ორგანო და უფლებამოსილია უნივერსიტეტის რექტორთან ერთად გადაწყვიტოს კონკრეტული საკითხები. ჩემი წინადადება არის, რომ ამ ტომეულებში შევიდეს ყველაფერი, რაც კი დიდ მეცნიერს დაუწერია და შეუქმნია და გამოიცა. ამასთან, ჩვენი მიდგომა უნდა იყოს ასეთი — გამოიცეს ნაშრომების ყველა ვერსია. რას ვგულისხმობ ამაში? „ქართველი ერის ისტორია“ ივანე ჯავახიშვილმა სამჯერ დაწერა. თავადვე ამბობს, მე 1915 წლამდე ნიკო მარის თეორიას მიყვებოდი, შემდეგ ხელახლა დავიწყე მუშაობა, თავიდან გადავიკითხე ნიკო მარის შრომები და მივხვდი, რომ ყველაფერი ისე არ იყო, როგორც ადრე მეჩვენებოდა. შესაბამისად, ჩვენ მკითხველამდე უნდა მივიტანოთ მი-



სი ნაშრომების ყველა ვერსია. ხანგრძლივი პროცესია და დეტალურ კვლევას და მუშაობას საჭიროებს.

სირთულე რა არის? ამ დიდ კაცს დიდი განათლებაც ჰქონდა და ამას ეფუძნებოდა ყველაფერი ის, რაც დღეს მის მემკვიდრეობას შეადგენს. ბრწყინვალედ იცოდა მკვდარი ენები (მაგ. ძველი ბერძნული, ძველი სომხური, სირიული, ლათინური, სპარსული) და ამ ენებზე შექმნილი ნაშრომებიდან მოჰყავდა თავის შრომებში ცნობები. გარდა ამისა, ევროპულ ენებთან ერთად, ივანე ჯავახიშვილი იყენებდა ქართველური და კავკასიური ენების მონაცემებს. ამიტომ საჭიროა ენების სპეციალისტების მონაწილეობა, ყველაფრის დამუშავება და ან-

ალიზი. ეს ქმნის გარკვეულ სირთულეებს, რადგან დრო ძალიან ცოტაა.

ივანე ჯავახიშვილი 64 წლის ასაკში გარდაიცვალა. დარჩა უამრავი გამოუქვეყნებელი ნაშრომი ან წყაროებიდან ამოწერილი მასალები. მათ ახლავს კომენტარი, რომელსაც დღეს დიდი სამეცნიერო მნიშვნელობა აქვს. ესეც უნდა გამოიცეს. ამ ყველაფერს დიდი დრო სჭირდება. სულ 6-7 ადამიანი ვართ, ვისზეც ამ შრომამ უნდა გადაიაროს, მაგრამ ჩვენ მზად ვართ ამისთვის და საკმაოდ დიდ პასუხისმგებლობასაც ვგრძნობთ. ამ ეტაპზე უნივერსიტეტის ხელმძღვანელობამ — რექტორმა და კანცლერმა დაგვიჭირეს მხარი და ეს დიდი საქმე, რომელზეც 2006 წლიდან ვსაუბრობდი, დაიძრა. აქვე უნდა აღინიშნოს ბატონ ზაზა აბაშიძის (კორნელი კეკელიძის სახელობის საქართველოს ხელნაწერთა ეროვნული ცენტრის დირექტორი) დიდი მონაწილეობა, რომლის გარეშე ეს საქმე ვერ გაკეთდება.

ჩვენი საქმიანობა ორ ეტაპად განხორციელდება. პირველი ეტაპი — სამეცნიერო ნაშრომების გამოცემა — უნდა დასრულდეს ივანე ჯავახიშვილის დაბადებიდან 150 წლისთავზე, 2026 წლის 23 აპრილისთვის. შემდეგ კი უნივერსიტეტის დაარსებიდან 110 წლის იუბილეზე გვეგმავთ მოხსენებების, გამოუქვეყნებელი ნაშრომების, პირადი წერილების, საზოგადოებრივი მოღვაწეობის, მათ შორის, უნივერსიტეტის შესახებ არსებული სხვა საინტერესო დოკუმენტების გამოცემას. სამუშაოები უკვე დაწყებულია.







# Tsu.media

გაზეთის ინტერნეტ-ვერსია/ახალი ვებგვერდი/ახალი პლატფორმა  
თქვენთვის!

აქ იხილავთ ყოველდღიურ ახალ ამბებს უნივერსიტეტიდან...

ეს თსუ გაზეთი „თბილისის უნივერსიტეტი“! ➔

თვეში ერთხელ გაზეთი ბეჭდური სახით გამოიცემა - თქვენი  
თხოვნის თანახმად, ჩვენ შევინარჩუნებთ გაზეთის ბეჭდური ვერსიაც...



მთავარი რედაქტორი

ნინო კაკულია

მთავარი სამსახურისტი

მაია ტორაძე

ტექნიკური რედაქტორი

ეკა ბედიაშვილი

შურნალისტი:

ნატო ობოლაძე

თამარ დადიანი

შურთხია ბეროშვილი

ფოტოკორესპონდენტი

თორნიკე ჩხეტიანი

კომპ. უზრუნველყოფა

მიხეილ თვარაძე

რედაქციის წევრები:

მანანა შამილიშვილი,  
იაგო კაჭკაჭიშვილი,  
ირმა რატიანი,  
ირინე დარჩია,  
ვლადიმერ პაპავა,  
ეთერ ხარაიშვილი,  
ეკატერინე ფირცხალავა,  
ნინო გაჩეჩილაძე,  
თემურ ნადარეიშვილი,  
ლელა ჯანაშვილი,  
მაია ივანიძე,  
მამუკა მარგველაშვილი,  
გია ლობჯანიძე,  
ნატა ასათიანი,  
მარინა სალუქვაძე

მისამართი:

ილია ჭავჭავაძის გამზ. 13  
(თსუ-ის მე-3 კორპუსი)

☎ 2 22 36 62

ვებგვერდი:

tsu.media

ელ.ფოსტა:

nino.kakulia@tsu.ge



გვყავს მაყარობლების დიდი აუდიტორია  
356 000-ზე მეტი ადამიანი 6 თვეში 6  
რეგიონული ტელევიზიის ყარაბაღობის  
მონაცემების თანახმად.



„ზუბლიცისტური ნარჩვევები“ და  
„საქარო ლაქციები“ ნიგნალ -

ყოველ წელს ახალ გამოცემას  
ელოდეთ

თსუ ზუბლიცისტიხისა და  
ელაქტრონული მედია ცენტრისგან!



გააგრძელა უნივერსიტეტის ისტორია მისიით -  
ვატივი ეცი ტრადიციებს, არ ჩამორჩე დროს!



2017 წლის  
1 ოქტომბრიდან  
გადაცემა „უნი-ვერსია“  
გაღის რეგიონულ  
ტელევიზიებში, რასაც  
საქართველოს  
რეგიონულ  
მაუწყებლთა ასოციაცია  
უზრუნველყოფს (თსუ-სა  
და საქართველოს  
რეგიონულ მაუწყებლ-  
თა ასოციაციასთან  
გაფორმებული მემო-  
რანდუმის თანახმად).

